

針灸大成

針灸大成卷之六

五臟六腑圖

經穴起止歌

肺臟圖

手太陰經穴主治

大腸腑圖

手陽明經穴主治

胃腑圖

足陽明經穴主治

脾臟圖

足太陰經穴主治

心臟圖

手少陰經穴主治

小腸腑圖

手太陽經穴主治

膀胱腑圖


足太陽經穴主治

腎臟圖

足少陰經穴主治

臟腑之圖

六卷



五臟。臟者藏也。心藏神。肺藏魄。肝藏魂。脾藏意。與智。腎藏精。與志。故為五臟。

六腑。腑者府也。膽。胃。大腸。小腸。三焦。膀胱。受五臟濁氣。名傳化之府。故為六腑。

五臟藏精而不瀉。故滿而不實。六腑輸瀉而不藏。故實而不滿。如水穀入口。則胃實而腸虛。食下。則腸實而胃虛。故曰實而不瀉。

肺重三斤二兩。六葉兩耳。四垂如蓋。附脊第三椎。中有二十四孔。行列分布。諸臟清濁之氣。為五臟華蓋云。

心重十二兩七錢。三毛。形如未敷蓮花。居肺下。兩上附脊。

第五椎

心包絡在心下橫膜之上豎膜之下與橫膜相粘而黃脂
慢裏者心也。外有細筋膜如絲與心肺相連者包絡也。
三焦者水穀之道路氣之所終始也。上焦在心下胃上其
治在膻中直兩乳間陷中者中焦在胃中脘當臍上四
寸其治在臍旁下焦當膀胱上際其治在臍下一寸。
肝重二斤四兩左三葉右四葉其治在左其臟在右脇右
腎之前並胃附有第九椎。

膽在肝之短葉間重三兩二銖。包精汁三合。

膈膜前齊鳩尾後齊十一椎周圍着脊以遮隔濁氣不使

上薰心肺也。

脾重二斤三兩。廣三寸。長五寸。掩乎太倉。附脊十一椎。胃重二斤一兩。大一尺五寸。徑五寸。紆曲屈伸長二尺六寸。

小腸重二斤十四兩。長三丈二尺。左回疊積十六曲。小腸上口即胃之下口。在臍上二寸。復下一寸水分穴爲小腸下口。至是而泌別清濁。水液入膀胱。滓穢入大腸。大腸重二斤十二兩。長二丈一尺。廣四寸。右回疊積十六曲。當臍中心。大腸上口即小腸下口也。

腎有兩枚。重一斤一兩。狀如石卵。色黃紫。當腎下兩旁。入

脊脊附脊十四椎前與臍平。

膀胱重九兩二銖。廣九寸。居腎下之前。大腸之側。膀胱上際即小腸下口。水液由是滲入焉。


脊骨二十一節。取穴之法以平肩為大椎。即百勞穴也。

臟腑十二經穴起止歌。

手肺少商中府起。大腸商陽迎香止。足胃頭維厲兌三。脾部隱白大包四。手心極泉少衝來。小腸少澤聽宮去。膀胱精明至陰間。腎經湧泉俞府僞心包。天池中衝隨三焦關。衝耳門經臍家童子髻。厥陰厥肝大敦期門至。十二經穴始終歌。學者銘于肺腑記。

肺臟圖

咽
喉



六葉
兩耳

手太陰肺經



少商
魚際
太淵
經渠
列缺
尺澤

內經曰。肺者。相傳之官。治節出焉。

肺者。氣之本。魄之處也。其華在毛。其充在皮。為陰中之少陰。通于秋氣。

西方白色。入通于肺。開竅于鼻。藏精于肺。故病在背。其味辛。其類金。其畜馬。其穀稻。其應四時。上為太白星。是以知病之在皮毛也。其音商。其數九。其臭腥。其液涕。

西方生燥。燥生金。金生辛。辛生肺。肺生皮毛。皮毛生腎。肺主鼻。其在天為燥。在地為金。在體為皮毛。在臟為肺。在聲為哭。為變動為咳。在志為憂。憂傷肺。喜勝憂。熱傷皮毛。寒勝熱。辛傷皮毛。苦勝辛。

手太陰肺經穴歌

醫學入門

手太陰肺十一穴。中府雲門天府訣。夾白尺澤孔最存。列

缺經渠太淵。涉魚際少商如荊葉。左右二穴。

此一經起于中府。終於少商。取少商魚際太淵經渠尺澤

與井榮俞經合也。脉起中焦。下絡大腸。還循胃口。上膈屬

肺。從肺系橫出腋。下循臑內。行少陰心主之前。下肘中。循

臂內上骨下廉。入寸口上魚。循魚際出大指端。其支者從

腕後列缺穴。直出次指內廉。出其端。交手陽明也。多氣少

血。寅時佳此。辛金之臟。脉居右寸。實則脉實。上熱氣粗。兼

鼻塞瀉必辛。涼虛則脉虛。少氣不足。息低微。補須酸熱。橘

其下痰氣之神方。薑陳去氣嗽之聖藥。七情鬱結因而喘。
沉香烏藥參攪胸痞喘急徹而痛。半夏瓜蒌桔梗鼻塞不
通。尤荊穗澄茄薄荷鼻淵不止。末龍腦蒼芷辛夷百花却
去紅痰。二母偏除熱嗽。黃連赤茯阿膠抑心火而清肺臟。
柯子杏仁通草利久嗽以出喉音。流注疼痛因痰飲。半夏
倍於朴硝。癰疹痒痛為風熱。苦參少於皂莢。哮喘鼻鼽。
芩蟬蛇舌除尖砒霜少入。熱壅咽喉。鷄蘇荆芥桔防風參
牛甘草消酒痘輕粉硫黃去鼻痔。白礬耳遂白砒霜性情
實重入豆豉偏治哮喘。百草霜氣味雖輕和海鹽却消舌
腫。甜葶藶良治肺癰。苦雄膽寒塗腸痔。瓊玉膏理嗽調元。

流金丹清痰降火人參非大劑不補少則凝滯大則流通
黃芩非枯薄不瀉細則涼腸枯則清金升麻白芷東垣曾
云報使葱白麻黃仲景常用引經紫苑五味能補欬桑白
防風實開通寒熱溫涼名方選辨輕重緩急指下詳明更
然一字之秘價值千金之重會得其中旨草木總皆空。

○導引本經 肺為五臟之華蓋聲音之所從出皮膚賴
之而潤澤者也。人惟內傷七情外感六淫而呼吸出入不
定肺金於是乎不清矣。然欲清金必先調息息調則動患
不生而心火自靜。一者下着安心二者寬中體三者想氣
遍毛孔出入通用無障而細其心令息微微此為真息也。

蓋息從心起。心靜息調。息息歸根。金丹之母。心印經曰。回風混合。百日通靈。內經曰。秋三月。此謂容平。天氣以急。地氣以明。夜卧早起。與鷄俱興。使志安寧。以緩秋形。收斂神氣。使秋氣平。無外其志。使肺氣清。逆之則傷肺。若過食瓜果。宜微利。一行靜息二日。以薤白粥加羊腎。空心補之。如無羊腎。以猪腰代之。勝服補劑。秋當溫足涼頭。其時清肅之氣。與體收斂也。自夏至以來。陰氣漸旺。當薄衽席。以培壽基。其或夏傷於暑。至秋發為痲疹。陽上陰下。交爭為寒陽下陰上。交爭為熱。寒熱交爭。皆肺之受病。如二少陽脉微弦。即是夏食生冷。積滯留中。至秋變為痢疾。如足陽明

太陰微弦濡而緊。乃反時之脉。病恐危急。然秋脉當如毫毛。治法詳後與前也。素問云。秋傷於濕。冬生咳嗽。純陽歸空。秘法云。行住坐卧常噤口。呼吸調息。定音聲。甘津玉液頻頻燕。無非潤肺。使邪火下降。而清肺金也。

考正穴法

中府一名膺俞。○雲門下一寸六分。乳上三肋間。動脉應手陷。

中。去胸中行各六寸。肺之募。募猶一結募也。言經氣聚此。手足太陰二

脉之會。針三分。留五呼。灸五壯。主腹脹四肢腫。食不下。

喘氣胸滿。肩背痛。嘔呃欬逆。上氣。肺系急。肺寒熱。胸悚

悚。膽熱。嘔逆。欬唾濁涕。風汗出。皮痛而腫。少氣不得卧。

傷寒胸中熱。飛尸遁症。癰瘤。

雲門。○巨骨下。俠氣戶旁二寸陷中。動脈應手。舉臂取之。去胸中行各六寸。素註針七分。銅人針三分。灸五壯。○主傷寒四肢熱不已。欬逆喘不得息。胸脇短氣。氣上冲心。胸中煩滿。脇徹背痛。喉痺。肩痛。臂不舉。癰氣。

天府。○腋下一寸。肘腕上五寸。動脈中。用鼻尖點墨到處。是穴。禁灸。針四分。留七呼。主暴痺。口鼻衄血。中風邪泣。出喜忘。飛尸惡症。鬼語。喘息。寒熱。瘧。目眩。遠視。眈眈。癰氣。

夾白。○天府下。去肘王寸。動脈中。針三分。灸五壯。主心痛。

短氣乾嘔逆煩滿。

尺澤○肘中約紋上。動脉中。屈肘橫紋。筋骨鏤陷中。手太陰肺脉所入為合水。肺實瀉之。針三分。留三呼。灸五壯。主肩臂痛。汗出中風。小便數。善噦。悲。寒。熱。風。痺。臄。肘攣。手臂不舉。喉痺。上氣。嘔吐。口乾。欬。嗽。唾。濁。痰。癰。四肢腹腫。心疼。臂寒。短氣。肺膨脹。心煩悶。少氣。勞熱。喘滿。腰脊強痛。小兒慢驚風。

孔最○去腕上七寸。側取之。灸五壯。針三分。主熱病汗不出。欬逆。肘臂厥痛。屈伸難。手不及頭。指不握。吐血。失音。咽腫。頭痛。

列缺○手太陰絡。別走陽明。去腕側上一寸五分。以兩手交叉。食指盡處。兩筋骨罅中。針二分。留王呼。瀉五吸。灸七壯。主偏風口面喎斜。手腕無力。半身不遂。掌中熱。口噤不開。寒熱瘧。嘔沫咳嗽。善笑縱唇口。健忘溺血。精出陰莖痛。小便熱。癰驚妄見。面目四肢癰腫。肩痺。胸背寒慄。少氣不足以息。尸厥寒熱交。兩手而脊。實則胸背熱汗出。四肢暴腫。虛則胸背寒慄。少氣不足以息。○素問曰。實則手銳掌熱。瀉之。虛則欠。次則以遺數補之。直行者。謂之經。旁出者。謂之絡。手太陰之支。從腕後直出。次指內廉。出其端。是列缺。為太陰別走。陽明之路。人或

寸關尺三部脉不見自列缺至陽谿脉見者俗謂之反關脉此經脉虛而絡脉滿千金翼謂陽脉逆反大於寸口三倍惜叔和尚未之及而况高陽生哉

經渠○寸口動脉陷中肺脉所行為經金針入二分留三

呼禁灸灸傷神明主瘡寒熱胸背拘急胸滿膨喉痺掌

中熱欬逆上氣傷寒熱病汗不出暴痺喘促心痛嘔吐

太淵一名太泉唐祖傳○掌後內側橫紋頭動脉中肺脉所注為

俞土肺虛補之難經曰脉會太淵疏曰脉病治此平旦

寅時氣血從此始故曰寸口者脉之大要會手太陰之

動脉也灸三壯針二分留三呼主胸痺逆氣善噦嘔飲

水欬嗽煩悶不得眠肺脹臂內廉痛目生白翳眼痛
赤乍寒乍熱缺盆中引痛掌中熱數欠肩背痛寒喘不
得息噫氣上逆心痛脉澹咳血嘔血振寒咽乾狂言口
辟溺色變卒遺矢無度。


魚際○大指本節後內側白肉際陷中。又云散脉中。肺脉
所溜為榮火針二分留二呼禁灸主酒病惡風寒虛熱
舌上黃身熱頭痛欬嗽傷寒汗不出痺走胸背痛不
得息目眩心煩少氣腹痛不下食肘攣肢滿喉中乾燥
寒慄鼓頤欬引尻痛溺出嘔血心痺悲恐乳癰東垣曰
胃氣下溜五臟氣亂皆在於肺者取之手太陰魚際足

少陰俞。

少商○大指內側去爪甲角如韭葉肺脉所出為井木宜以三稜針刺之微出血泄諸臟熱。湊不宜灸。主頷腫喉閉煩心善噦心下滿汗出而寒欬逆痰癰振寒腹滿唾沫唇乾引飲食不下。膨膨手變情痛掌熱寒慄鼓頷喉中鳴。小兒乳鵝○唐刺聖成君緒忽頷腫大如升喉中閉塞水粒不下三日甄權以三稜針刺之微出血立愈。瀉臟熱也。素註留一呼。明堂灸三壯。甲乙灸一壯。

大腸腑圖

大腸上即
小腸下



大腸下接直
腸直腸下為
肛門穀道也

手陽明大腸經



內經曰大腸者傳道之官變化出焉又云大腸為白腸。

手陽明大腸經穴歌。

手陽明穴起商陽。二間三間合谷藏。陽谿偏歷溫溜長。下廉上廉手三里。曲池肘髁五里近。臂臑肩髃巨骨當。天鼎扶突禾髁接。鼻旁五分號迎香。左右四十穴。

○此一經起於商陽。終於迎香。取商陽二間三間合谷陽谿曲池。與井榮俞原經合也。其脉起於大指次指之端。循指上廉出合谷兩骨之間。上入兩筋之中。循臂上廉入肘外廉。上循臑外前廉。上肩出髃骨之前廉。上出柱骨之會。上下入缺盆。絡肺下膈。屬大腸。其支者從缺盆上頸貫頰。

入下齒縫中。還出俠口。交人中左之右。右之左。上俠鼻孔。循禾膠迎香而終。以交於足陽明也。是經氣血俱多。卯時氣血注此。受手太陰之交。庚金之腑。脉詳右寸。實則脉實。傷熱而腸滿不通。辛溫可瀉。虛則脉虛。傷寒而腸鳴泄痛。補必酸涼。蒸黃連而解酒毒。炒厚朴而止便紅。腸風妙川烏。荊芥。臟毒奇。卷柏黃芪。痢中六神丸。宜調則調。帶下百中散。可止則止。潤腸通秘。麻仁丸。果有神效。行滯推堅。六磨湯。豈無奇功。痔瘡熱痛。腦麝研入。蝸牛。膽水磨敷。井水。痢疾腹疼。薑茶煎。治出坡仙梅蜜飲。方書登父。腸内生雞。逐菟湯。而加減隨宜。十宣散。去增適可。嘗聞食石飲水。可。

作充腸之饌。餌松食柏。亦成清腑之方。是以療饑者不在
封饅調腸者何煩異術。此經針裡陰陽。自獲殊常効驗。

考正穴法

商陽

一名陽

○手大指次指內側去爪甲角如韭葉。手陽明

大腸脉所出為井。金銅人灸三壯。針一分。留一呼。主胸

中氣滿。喘欬支腫。熱病汗不出。耳鳴聾。寒熱瘧瘡。口乾

頤頰腫。齒痛惡寒。肩背急。相引。缺盆中痛。目青盲。灸三

壯。左取右。右取左。如食頃立已。

二間

一名谷

○食指本節前內側陷中。手陽明大腸脉所溜

為榮水。大腸實瀉之。鉤入針三分。留六呼。灸三壯。主疾

痺。領腫。肩背痛。振寒。鼻衄。血多。齧齒。痛目黃。口乾。口
噤。急食不通。傷寒水結。

三間

一名火谷

○食指本節後內側陷中。手陽明大腸脉所注。

為俞木。銅人針三分。留三呼。灸三壯。主喉痺。咽中如梗。

下齒齲痛。若肘。胸腹滿。腸鳴洞泄。寒熱瘧。唇焦口乾。氣

喘。目眦急痛。吐舌戾頸。喜驚多唾。多食不通。傷寒氣熱。

身寒結水。東垣曰。氣在於臂。取之先。去血脉。後深取手。

陽明之榮俞。二間三間。

合谷

一名虎口

○手大指次指岐骨間陷中。手陽明大腸脉所

過。為原。虛實皆按之。銅人針三分。留六呼。灸三壯。主傷

寒大渴。脉浮在表。發熱惡寒。頭痛。以強無汗。寒熱瘧。鼻衄不止。熱病汗不出。目視不明。生白翳。頭痛下齒齲耳聾。喉痺。面腫。唇吻不收。瘖不能言。口禁不開。偏風風瘰癧。疥。偏正頭痛。腰脊內引痛。小兒。魚乳鵠。按合谷。婦人妊娠可瀉。不可補。補即墮胎。詳見足太陰脾經三陰交下。

陽谿

一名中魁

○腕中上側兩筋間陷中。手陽明大腸脉所行。

為經火。銅人針三分。留七呼。灸三壯。主狂言喜笑。見鬼。

熱病煩心。目風赤爛。有翳。厥逆頭痛。胸滿不得息。寒熱。

瘧疾。寒嗽嘔沫。喉痺。耳鳴耳聾。驚悸。肘臂不舉。痲疥。

偏歷○腕中後三寸手陽明絡脉別走太陰銅人針三分

留七呼灸三壯明下灸五壯主肩膊肘腕痠疼眩目眇

眇齒痛鼻衄衄熱瘡癩疾多言咽喉乾喉痺耳鳴風汗

不出利小便實則齧齧瀉之虛則齒寒痺痛補之

溫溜一名逆注一名池頭○腕後大士五寸小士六寸明堂在腕後

五寸六寸間銅人針三分灸三壯主腸鳴腹痛傷寒噦

逆噦中氣閉寒熱頭痛喜笑狂言見鬼吐涎沫風逆

四肢腫吐舌口舌痛喉痺

下廉○輔骨下去上廉一寸輔銳肉分外銅人斜針五分

留五呼灸三壯主飧泄勞瘵小腹滿小便黃便血狂言

六卷
偏風熱風冷痺不遂風濕痺小腸氣不足面無顏色痲痺腹痛若刀刺不可忍腹脇痛滿狂走俠臍痛食不化喘息不能行展乾涎出乳癰

上廉○三里下一寸其分獨抵陽明之會外銅人斜針五分灸五壯主小便難黃赤腸鳴胸痛偏風半身不遂臂髓冷手足不仁喘息大腸氣腦風頭痛

三里

一名手三里

○曲池下二寸按之肉起銳肉之端銅人灸

三壯鍼二分主霍亂遺矢失音氣齒痛頰頰腫瘰癧手臂不仁肘攣不伸中風口噤手足不隨

曲池○肘外輔骨屈肘橫紋頭陷中以手拱胸取之手陽

明大腸脉所入為合土素註針五分留七呼銅人針七

分得氣先瀉後補灸三壯明堂日灸七壯至二百壯且

停十餘日更灸止二百壯主繞踝風手臂紅腫肘中痛

偏風半身不遂惡風邪氣泣出喜忘風癰瘰喉痺不能

言胸中煩滿臂膊疼痛筋緩捉物不得挽弓不開屈伸

難風痺肘細無力傷寒餘熱不盡皮膚乾燥瘰癧疾

舉體痛癢如虫嚙皮脫作瘡皮膚痂疥婦人經脉不通

肘髁○大骨外廉陷中銅人灸三壯針三分主風勞嗜卧

肘節風痺臂痛不舉屈伸急麻木不仁

五里○肘上三寸行向臬天脉中央銅人灸十壯素問大

禁針主風勞驚恐吐血欬嗽肘臂痛嗜卧四肢不得動
心下脹滿上氣身黃時有微熱瘰癧目視眈眈痰瘡

臂臑○肘上七寸臑肉端肩髃下一寸兩筋兩骨罅陷宛

宛中舉臂取之手陽明絡手足太陽陽維之會銅人灸

三壯針三分明堂宜灸不宜針日灸七壯至二百壯若

針不得過三五分主寒熱臂痛不得舉瘰癧頸項拘急

肩髃一名中肩井一名偏肩○膊髃頭肩端上兩骨罅間陷者宛宛

中舉臂取之有空手陽明陽蹻之會銅人灸七壯至二

七壯以差為度若灸偏風灸七七壯不宜多恐手臂細

若風病筋骨無力久不差灸不畏細刺即世有臂熱氣

明堂針八分。留三呼。瀉五吸。灸不及針。以平手取其穴。
灸七壯。增至二七壯。素註針一寸。灸五壯。又云針六分。
留六呼。主中風手足不隨。偏風。風痲。風痿。風病。半身不
遂。熱風。肩中熱。頭不可回顧。肩臂疼痛。臂無力。手不能
向頭。攣急。風熱癰癰。顏色枯焦。勞氣泄精。傷寒熱不已。
四肢熱。諸瘰癧。石魯州刺史庫狄欽。風痺不能挽弓。甄
權針肩髃。針進即可射。

巨骨。○肩尖端上行。兩叉骨罅間陷中。手陽明陽蹻之會。
銅人灸五壯。針一寸半。明堂灸三壯。至七壯。素註禁針。
針則倒懸。一食頃乃得下針。針四分。瀉之勿補。針出始

得正卧明堂灸三壯。主驚癇。破心吐血。臂膊痛。胸中有瘀血。肩臂不得屈伸。

天鼎○頸缺盆上。直扶突後一寸。素註針四分。銅人灸三壯。針三分。明堂灸七壯。主暴瘡。氣哽喉痺。噎腫不得息。飲食不下。喉中鳴。

扶突

一名水穴

○氣舍上一寸五分。在頸當曲頰下一寸。人迎

後一寸五分。仰而取之。銅人灸三壯。針三分。素註針四

分。咳嗽多唾。上氣咽引喘息。喉中如水雞聲。暴瘡氣哽。

禾膠

一名長顙

○鼻孔下俠水溝旁五分。手陽明脉氣所發。銅

人針三分。禁灸。主尸厥及口不可開。鼻瘡息肉。鼻塞不

聞香臭。魴衄不止。

迎香（）禾膠上一寸。鼻下孔旁五分。手足陽明之會。針三分。留三呼。禁灸。主鼻塞。不聞香臭。偏風口喎。面癢浮腫。風動葉落。狀如虫行。唇腫痛。喘急不利。鼻嚔多涕。魴衄。骨瘡。鼻衄。有鼻肉。

胃腑圖


六卷

食腕

胃

胃下
口小
腸上
口

足陽明經



內經曰。胃者倉廩之官。五味出焉。又曰。胃為黃腸。五味入口。藏於胃。以養五臟氣。胃者水穀之海。六腑之大原也。是以五臟六腑之氣味。皆出於胃。

足陽明胃經穴歌。

四十五穴足陽明。頭維下關頰車停。承泣四白巨膠經。地倉大迎對人迎。水突氣舍連缺盆。氣戶庫房屋翳屯。鴈窓乳中延乳根。不容承滿梁門起。關門太乙滑肉門。天樞外陵大巨存。水道歸來氣衝次。髀關伏兔走陰市。梁丘犢鼻足三里。上巨虛連條口位。下巨虛跳上豐隆。解谿衝陽陷谷中。內庭厲兌經穴終。左右九十六穴。

○此一經起於頭維。終於厲兌。取厲兌內庭陷谷衝陽解
谿三里與井榮俞原經合也。脉起於鼻交頰中。旁約大陽
之脉。下循鼻外。上入齒中。還出俠口。環唇下。交承漿。卻循
頰後下廉。出大迎。循頰車上耳前。過客主人。循髮際至額
顙。其支別者。從大迎前下人迎。循喉嚨入缺盆。下膈屬胃。
絡脾。其直行者。從缺盆下乳內廉。俠臍入氣衝中。其支者。
起胃下口。循腹裏下至氣衝而合。以下髀關。抵伏兔。下入
膝臑中。下循胫外廉。下足跗。入中指外間。其支者。下膝三
寸而別。以下入中指外間。其支者。別跗上入大指間。出其
端。以交於太陰也。多血多氣。巳時氣血注此。戊土之腑脉。

右關部胃氣平調。五臟安堵。實則脉實。唇口乾而腋下腫
疼。宜瀉胃土。虛則脉虛。腹痛鳴而面目虛浮。藥行溫補。驗
實熱兮。必口內壅乾。瀉黃散而得効。審虛寒兮。須骨節皆
痛。人參散而最奇。橘皮竹茹湯。治熱渴而頻頻嘔噦。烏藥
沉香散。療寒痛而日日攢眉。人參治翻胃之良。豆蔻消積
氣之冷。粥藥不停。薑葉人參橘皮。心脾刺痛。砂仁香附。烏
沉胃冷生痰。半夏薑煎。生附子中寒停水。麴丸蒼朮。久陳
皮芫花。消癥癖。九共硃砂。黃芪治消渴。前胡甘草。硃末結
成砂子。吐逆立痊。參朮煎。用棗薑酒。即可霍亂轉筋。肢
逆冷。木瓜鹽炒。具茱萸食。癆酒癖。脇胸疼。逢朮。羌活。同醋

煮胃虛咳逆人參甘草倍陳皮胃實痰喘藿葉丁皮增半
夏補虛降火竹茹甘草橘紅皮或加枳木扶弱驅寒橘皮
良薑丁半夏參草薑苓抑聞上部有脉下部無脉者為食
寒點鹽湯探吐寬舒倘或三部俱急人迎帶數者號內壅
服鹽丸瀉利便宜調脾助胃之藥最難熱則消於肌肉須
用中和飲子變通加減之法不易寒則減於飲食要施仁
義丹頭如心不在焉食而不知其味正心為劑口不謹兮
飲而不中其節緘口良方須知病後能服藥孰若病前能
自防

考正穴法

頭維○額角入髮際。本神旁一寸五分。神庭旁四寸五分。
足陽明少陽二脉之會。銅人針三分。素註針五分。禁灸。
主頭痛如破。目痛如脫。目瞶。目風淚出。偏風視物不明。
下關○客主人下。耳前動脉下廉。合口有空。開口則閉。側
卧。閉口取之。足陽明少陽之會。素註針三分。留七呼。灸
三壯。銅人針四分。得氣即瀉。禁灸。主
風口目喎。牙車脫臼。牙齦腫處。張口以三稜針出膿血。
多含鹽湯。即不畏風。

頰車

一名機關
一名曲牙

○耳下八分。

曲頰端。

前陷中。側卧。開口

有空。取之。銅人針四分。得氣即瀉。灸七壯。止七七壯。

炷如麥大明堂灸三壯。素註針三分。主中風牙關不開。
口噤不語失音牙車疼痛頰腫牙不可嚼物頸強不
能回顧口眼喎。

承泣○目下七分直瞳子陷中。足陽明陽蹻脉任脉之會。
銅人灸三壯。禁針。針之令人目烏色。明堂針四分半。不
宜灸。灸後令人目下大如拳。息肉日加如桃。至三十日
穴不見物。資生云。當不灸不針。○東垣曰。魏邦彥夫人
口翳綠色。從下侵上者。自陽明來也。○主目冷淚出。上
如翳瞳子痒。遠視眵眵。昏夜無見目。瞬動與項口相引。口
眼喎斜。口不能言。面葉葉牽動。眼赤痛耳鳴耳聾。

四、白○目下一寸直瞳子。令病人正視取之。素註針四分。
平乙銅人針三分。灸七壯。凡用針穩當方可下針。刺太
一深。令人目烏色。主頭痛目眩。目赤痛。僻淚不明。目痒。目
一膚翳。口眼喎僻。不能言。

巨膠○俠鼻孔旁八分直瞳子。平水溝。手足陽明陽驕脉
之會。銅人針三分得氣即瀉。灸七壯。明堂灸七七壯。主
癰瘰。唇頰腫痛。口喎僻。目障無見。青盲無見。遠視眵眵。
淫膚白膜。翳覆瞳子。面風鼻頰腫。癰痛。招搖視瞻。脚氣
膝腫。

地倉○俠口吻旁四分外。如近下有脉微動。手足陽明陽

蹻脉之會。銅人針三分。明堂針三分半。留五呼。得氣即
瀉。日可灸二十七壯。重者七七壯。炷如粗釵股。脚大艾炷
若大口轉咽。却灸承漿。七七壯。即命主偏風。口喎。目不
得閉。脚腫。失音不語。飲水不收。水將小漏落。眼瞶動不止。
瞳子疼。遠視眴眴。昏夜無見。病左治右。病右治左。宜頻
針灸。以取盡風氣。口眼喎斜者。以下為度。

大迎。曲頤前一寸二分。骨陷中動脈。灸以口下當兩肩
是穴。素註針三分。留七呼。灸三壯。主風痙。口禁不開。唇
吻瞶動。頰腫牙疼。寒熱頸痛。瘰癧。喎齒齲痛。數欠氣
惡寒。舌強不能言。風壅面浮腫。目痛不得閉。

人迎一名五會

○頸大脉動應手。俠結喉兩旁一寸五分。仰而

取之。以候五臟氣。足陽明少陽之會。滑氏曰。古以俠喉

兩旁為氣口。人迎至晉王叔和。直以左右手寸口為人

迎氣口。銅人禁針明堂針四分。素註刺過深殺人。王曰

逆霍亂胸中滿喘乎不得息咽候癰腫瘰癧。

水突

一名水門

○頸大筋前直人迎下氣舍上。銅人針三分。灸

三壯。主欬逆上氣咽候癰腫呼吸短氣喘息不得卧。

氣舍○頸直人迎下俠天突陷中。銅人灸三壯。針三分。主

欬逆上氣頸項強不得回顧喉痺咽噎咽腫不消癰瘰

缺盆

一名天蓋

○肩下橫骨陷中。銅人灸三壯。針三分。素註針

三分留七呼。不宜太深。深則使人逆息。素問刺缺中內
陷氣泄。令人喘欬。上焦奔胸滿喘急。水腫癰癰喉痺汗
出寒熱。缺盆中腫。外積則生胸中熱滿。傷寒胸熱不已。
氣戶。巨骨下。俞府。旁各二寸。陷中。去中行各四寸。仰
而取之。銅人針三分。灸五壯。主欬逆上氣。胸背痛。欬不
得息。不知味。胸脇支滿喘急。

庫房。氣戶下一寸六分。陷中。去中各四寸。銅人灸五壯。
針三分。主胸脇滿。欬逆上氣。呼吸不至。息唾膿血濁沫。
屋翳。庫房下一寸六分。陷中。去中各四寸。仰而取之。素
註針四分。銅人灸五壯。針三分。主欬逆上氣。唾血多濁。

沫膿血痰飲。身體腫脹。皮膚痛不可近衣。淫瀼瘰癧不仁。
膺窓○星翳下一寸六分陷中。去中各四寸。銅人針四分。
灸五壯。主胸滿短氣。唇腫腸鳴注泄。乳癰寒熱卧不安。
乳中○當乳中是銅人微刺三分。禁灸灸則生蝕瘡。瘡中
有膿血清汁可治。瘡中有息肉。若蝕瘡者死。素問云刺
乳上中乳房為腫。如蝕丹澤曰。乳房陽明胃所經。乳頭
厥陰肝所屬。乳去之。之母不知調養。忿怒所逆。鬱悶所
過。厚味所醢。以致厥陰之氣不行。竅不得通。汁不得出。
陽明之血沸騰。熱甘化膿。亦有所乳之子。膈有滯痰。口
氣煖熱。含乳而睡。氣所吹。遂生結核。初起時。便須忍。

痛操令稍軟。吮令汁透。自可消。失此不治。必成癰。若加以艾火兩三壯。其効尤捷。但工便用針刀。卒惹拙病。若不得夫與舅姑憂怒鬱悶。肝氣消沮。肝氣橫逆。遂成結核如棊子。不痛不癢。十數年後。為瘡陷。名曰奶岩。以瘡形如坎凹。似岩穴也。不可治矣。若於始生之際。能消息病根。使心清神安。然後醫治。庶有可安之理。

乳根○乳中下一寸六分陷中。去中各四寸。仰而取之。銅人灸五壯。針三分。素註針四分。灸三壯。主胸下滿悶。胸痛。鬲氣不下。食噎病。臂痛腫。乳痛。乳癰。悽慘寒痛。不可按抑。欬逆。霍亂轉筋。四厥。

不容○幽門旁相去各一寸五分。去中行各三寸。銅人灸五壯。明堂灸三壯。針五分。素註針八分。主腹滿。痙瘳。吐血。肩脇痛。口乾心痛。胸背相引痛。喘欬。不嗜食。腹虛鳴。嘔吐。痰癖。疰瘕。

承滿○不容下一寸。去中行各三寸。銅人針三分。灸五壯。明堂三壯。主腸鳴腹脹。上氣喘逆。食飲不下。肩息唾血。梁門○承滿下一寸。去中行各三寸。銅人針三分。灸五壯。主脇下積氣。食飲不思。大腸滑泄。完穀不化。

關門○梁門下一寸。去中行各三寸。銅人針八分。灸五壯。主善滿積氣。腸鳴卒痛。泄利。不欲食。腹中氣走。俠臍急。

痛身腫痰癰振寒遺溺。

太乙○關門下一寸去中行各三寸。銅人灸五壯針八分。
主癲疾狂走心煩吐舌。

滑肉門○太乙下一寸去中行各三寸。銅人灸五壯針八
分。主癲狂嘔逆吐舌舌強。

天樞

一名長鑿
一名穀門

○去臍前一寸俠臍中兩旁各二寸陷中。

乃大腸之募。銅人灸百壯針五分留十呼。千金云鬼魄
之舍不可針。素註針五分留一呼。主奔豚泄瀉脹疝赤
白痢水痢不止食不下水腫脹腹腸鳴上氣冲胸不能
久立久積冷氣繞臍切痛時上冲心煩滿嘔吐霍亂冬

月感寒泄利瘧寒熱狂言傷寒飲水過多腹脹氣喘婦人女子癥瘕血結成塊漏下赤白月事不時

外陵○天樞下一寸去中行各二寸銅人灸五壯針三分主腹痛心下如縣下引臍痛

大巨○外陵下一寸去中行各二寸銅人針五分灸五壯素註針八分主小腹脹滿煩渴小便難癢疝偏枯四肢不收驚悸不眠

水道○大巨下三寸去中行各二寸銅人灸五壯針三分半素註針二分半主腫目強急膀胱有寒三焦結熱婦人小腹脹滿痛引陰

中疝子門寒大小便不通

歸來○水道下二寸。去中行各二寸。銅人灸五壯。針五分。
素註針八分。主小腹奔豚。卵上入腹引莖中痛。七疝。婦
人血臍積冷。

氣衝

一名氣衝

○歸來下一寸。去中行各二寸。動脈應手宛宛

中。衝脈所起。銅人灸七壯。炷如大麥。禁針。素問刺中脈。
血不出為腫鼠僕。明堂針三分。留七呼。氣至即瀉。灸三
壯。主腹滿不得正卧。癰疽。大腸中熱。身熱腹痛。大氣石
水。陰痿莖痛。兩丸寒痛。小腹奔豚。腹有逆氣。上攻心腹。
脹滿。上搶心。痛不得息。腰痛不得俛仰。淫瀦。傷寒胃中
熱。婦人無子。小腸痛。月水不利。妊娠子。上衝心。生難胞。

衣不出東垣曰脾胃虛弱感濕成痿汗大泄妨食三里
氣街以三稜針出血又曰吐血多不愈以三稜針於氣
街出血立愈

髀關○伏兔後交文中銅人針六分灸三壯主腰痛足麻
木膝寒不仁痿痺股內筋絡急不屈伸小腹引喉痛

伏兔○膝上六寸起肉正跪坐而取之以左右各三指按
捺上有肉起如兔之狀因以此名此事難知定癰疽死
地分有九伏兔居一劉宗厚曰脉絡所會也主膝冷不
得溫風勞痺逆狂邪手攣縮身癰瘰腹脹少氣頭重脚
氣婦人八部諸疾銅人針五分禁灸

陰市

一名陰市

○膝上三寸。伏兔下陷中。拜而取之。銅人針三

分。禁灸。主腰脚如冷水。膝寒痿痺不仁。不屈伸。卒寒疝。

力痿少氣。小腹痛。脹滿。脚氣。脚以下。伏兔上寒消渴。

梁丘○膝上二寸。兩筋間。銅人灸三壯。針三分。明堂針五

分。主膝脚腰痛。冷痺不仁。跪難屈伸。足寒。太驚。乳腫痛。

犢鼻○膝臚下。胫骨上。俠解大筋陷中。形如牛鼻。故名。素

註針六分。銅人針三分。灸三壯。素問刺犢鼻出液為跛。

主膝中痛。不仁。難跪起。脚氣。膝臚腫潰者。不可治。不潰

者可治。若犢鼻堅硬。勿便攻。先洗熨。微刺之。愈。

三里○膝下三寸。胫骨外廉大筋內。宛宛中。兩筋肉分間。

舉足取之極重按之則跗上動脉止矣足陽明胃脉所入為合土素註刺一寸灸三壯銅人灸三壯針五分明堂針八分留十呼瀉七吸日灸七壯止百壯千金灸五百壯少亦一二百壯主胃中寒心腹脹滿腸鳴臍氣虛憊真氣不足腹疼痛食不下大便不通心悶不已平心痛腹有逆氣上攻腰痛不得俛仰小腸氣水氣蠱毒鬼擊痃癖四肢滿膝胫痠痛目不明產婦血暈秦承祖云諸病皆治華陀云主五勞七傷虛乏胸中瘀血乳癰千金翼云主腹中寒脹滿腸中雷鳴氣上冲胸喘不能久立腹痛胸腹中瘀血小腸脹皮腫陰氣不足小腹堅

傷寒熱不已。熱病汗不出。喜嘔。口苦。壯熱身反折。口噤。
鼓頤腫痛。不可回顧。口辟。乳腫。喉痺。不能言。胃氣不足。
久泄利。食不化。脇下支滿。不能久立。膝痿寒熱中消穀。
苦饑。腹熱身煩。狂言。乳癰。喜音惡聞食臭。狂歌妄笑。恐。
怒。大罵。霍亂遺尿失氣。陽厥。慄慄惡寒。頭眩。小便不利。
喜噦。脚氣外臺秘要云。人年二十已上。若不灸三里。令
人氣上冲目。東垣曰。飲食失節。及勞役形質。陰火乘於
坤土之中。致穀氣榮氣清氣胃氣元氣不得上升。滋於
六腑之陽氣。是五陽之氣先絕於外。外者天也。下流入
於坤上陰火之中。皆由喜怒哀悲憂恐。為五賊所傷。而後

胃氣不行勞役飲食不節繼之則元氣乃傷當於三里穴中推而揚之以伸元氣又曰氣在於腸胃者取之足太陰陽明不下者取之三里又曰氣逆霍亂者取三里氣下乃止不下復治又曰胃脘當心而痛上支兩脇膈噎不通飲食不下取三里以補之又曰六淫客邪及上熱下寒筋骨皮肉血脉之病錯取於胃之合三里穴大丘又曰有人年少氣弱常於三里氣海灸之節次約五七十壯至年老熱厥頭痛雖大寒猶喜風寒痛愈惡煖處及烟火皆灸之過也。

上癰一名上巨虛○三里下三寸兩脇骨罅中舉足取之銅人

灸三壯。針三分。甄權隨年為壯。明堂針八分。得氣即瀉。
灸日七壯。主臟氣不足。偏風。脚氣。腰腿手足不仁。脚脛
痠痛。屈伸難。不立。風水。膝腫。骨髓冷疼。大腸冷。食不
化。飧泄。勞瘵。夾脊腹兩脇痛。腸中切痛。雷鳴。氣上衝胸。
喘息不能行。不能久立。傷寒。胃中熱。東垣曰。脾胃虛弱。
濕痿。汗泄妨食。三里氣衝出血。不愈。於上廉出血。
條口。○下廉上一寸。舉足取之。銅人針五分。明堂針八分。
灸三壯。主足麻木。風氣足下熱。不能久立。足寒。膝痛。脛
寒。濕痺。脚痛。脰腫。轉筋。足緩不收。

下廉

一名下巨虛

○上廉下三寸。兩筋骨罅中。蹲地舉足取之。

銅人針八分。灸三壯。素註針三分。明堂針六分。得氣即瀉。甲乙灸日七七壯。主小腸氣不足。面無顏色。偏風腿痿。足不履地。熱風冷痺。不遂風濕痺。喉痺。脚氣不足。沉重。唇乾。涎出不覺。不得汗出。毛髮焦。內脫。傷寒胃中熱。不嗜食。泄膿血。胸脇小腹控臑而痛。時窘之後。當耳前熱。若寒甚。若獨肩上熱甚。及小指次指間熱痛。暴驚狂。言語非常。女子乳癰。足跗不收。跟痛。

豐隆○外踝上八寸。下胫外廉陷中。足陽明絡。別走太陰。銅人針三分。灸三壯。明堂灸七壯。主厥逆。大小便難。急情。腿膝痠屈。伸難。胸痛如刺。腹苦。刀切痛。風痰。頭痛。風

逆四指腫。足青身寒濕。喉痺不能言。登高而歌。棄衣而走。見鬼好笑。氣逆則喉痺卒厥。實則癲狂。瀉之。虛則足不收。脛枯補之。

解谿○衝陽後一寸五分。腕上陷中。足大指次指直上跗上陷者宛宛中。足陽明胃脉所行為經。火胃虛補之。銅人灸三壯。針五分。留三呼。主風面浮腫。顏黑。厥氣上衝。腹脹。大便下重。瘕驚。膝股肘腫。轉筋。目眩。頭痛。癰疾。煩心。悲泣。霍亂。頭風。面赤。目赤。眉橫。痰不可忍。

衝陽○足跗上五寸。去陷谷二寸。骨間動脉。足陽明胃脉所過。為原。胃虛實皆拔之。素註針三分。留十呼。素問刺

足跗上動脉。血出不止死。銅人針五分。灸三壯。主偏風口眼喎。跗腫。齒齲。發寒熱。腹堅大。不嗜食。傷寒病振寒而欠。欠。狂登高而歌。棄衣而走。足緩。履不收。身前痛。

陷谷○足大指次指外間。本節後陷中。去內庭二寸。足陽明胃脉所注。為俞木。銅人針三分。妻註針五分。留七呼。灸三壯。主面目浮腫。及水病。善噫。腸鳴。腹痛。熱病無度。汗不出。振寒。瘧疾。東垣曰。氣在於足。取之。先去血脉。後深取。足陽明之榮俞。內庭陷谷。


內庭○足大指次指外間陷中。足陽明胃脉所溜。為榮水。銅人灸三壯。針三分。留十呼。主四肢厥逆。腹脹滿。數欠。

惡聞人聲。振寒。咽中引痛。口喎。上齒齲。瘡不嗜食。腦皮
膚痛。鼻衄不止。傷寒。手足逆冷。汗不出。赤白痢。


厲兌。足大指次指之端。去爪甲角如韭葉。足陽明胃脉
所出。為井金。胃實瀉之。銅人針一分。灸一壯。主尸厥。口
禁。氣絕。狀如中惡。心腹脹滿。水腫。熱病。汗不出。寒瘡。不
嗜食。面腫。足胫寒。喉痺。上齒齲。惡寒。鼻不利。多驚。好臥。
狂。欲登高。而歌。棄衣而走。黃疸。衄衄。口喎。唇裂。頸腫。膝
腫。腫痛。循胃乳。氣膈。伏兔。胫外廉。足跗上。皆痛。消穀。善
饑。弱黃。

脾臟圖

六卷



足太陰脾經



內經曰。脾者。諫議之官。智周出焉。

脾者。倉廩之本。榮之居也。其華在唇。四白。其充在肌。至陰之類。通于土氣。狐藏以灌四旁。脾主四肢。為胃行津液。中央黃色。入通于脾。開竅于口。藏精于脾。故病在舌本。其味甘。其類土。其畜牛。其穀稷。其應四時。土為鎮星。是以知病之在肉也。其音宮。其數五。其臭香。其液涎。

中央生濕。濕生土。土生甘。甘生脾。脾生肉。肉生肺。肺主口。其在天為濕。在地為土。在體為肉。在臟為脾。在聲為歌。在變動為噦。在志為思。思傷脾。怒勝思。濕傷肉。風勝濕。甘傷肉。酸勝甘。

足太陰脾經穴歌

二十一穴脾中州。隱白在足大指頭。大都太白公孫盛。商

丘三陰交可求。涌谷地機陰陵穴。血海箕門衝門開。府舍

腹結大橫排。腹哀食竇連天谿。胸鄉周榮大包隨。左右四十二穴。

○此一經起于隱白。終於大包。取隱白大都太白商丘陰

陵泉與井榮俞經合也。脉起大指之端。循指內側白肉際。

過髮骨後上內踝前廉。上膈內循肝骨後交出厥陰之前。

上循臑股內前廉入腹屬脾絡胃。上膈俠咽連舌本散舌

下。其支別者復從胃別上膈注心中。少血多氣。已時氣血

注此。已土之臟脉在右關實則飲食消而肌膚滑澤。虛則

身體瘦而四肢不舉。臍凸肢浮。生之難。口青唇黑。死之易。去病安生。理宜調攝。戒滿意之食。省爽口之味。因飲食勞倦之災。修溫多辛少之劑。飲食審寒熱之傷。湯藥兼補瀉之置。氣別寒熱溫涼。用適其宜。味辨甘苦瀉行。當熟記如白朮健脾消食。必青皮枳實入參緩土和氣。須半夏橘紅柴胡除不足之熱。佐之甘草升麻黃芪去有汗之火。輔之芍藥川芎。氣虛嘔而人參茱萸脾寒吐而丁香半夏泄瀉手足冷而不渴兮。附子乾薑霍亂吐瀉熱而不藥兮。胡椒萊豆脾冷而食不磨兮。平胃宜加砂蔻胃寒而飲不消兮。本方更入參苓香附微寒與宿砂消食化氣更妙安胎。

沉香少溫。共藿香助土調中。奇消水腫。破血消癥。今三稜
蓬朮。去瘀除痰。今蒲黃五靈脂。香治霍亂轉筋。共濟木瓜
烏藥。練桂主中焦氣滯。相扶枳殼。生薑。心腹疼痛。今延胡
索入胡椒。胸滿欬逆。今白薑炒同香附。肝實脹。今大黃滑
石。桂牽牛。木香。苓瀉。腹虛脹。今參苓。朴。木。橘。辰砂。麴蘖。附
子。大抵物滯氣傷。補益兼行。乎消導。橘皮。枳木丸。加減隨
宜。食多胃壅。推陳并貴乎和中。巴豆備急丸。蕩滌何傷。四
君子平善。與人處也。使人道德進而功名輕。忽不知其入
於聖賢之域。二陳湯純和。能消痰也。致令脾胃健而中氣
順。自不覺其進於仁壽之鄉。折又聞東垣憫生民天枉。凡

治疾必先扶植脾胃。誠不刊之妙典。王安道發前賢未發。辨內傷不足中有有餘。實得傳之秘旨。萬物從土而歸出。補腎又不若補脾。

導引本經。○脾居五臟之中。寄旺四時之內。五味藏之而滋長。五神因之而彰著。四肢百骸賴之而運動也。人惟飲食不節。勞倦過甚。則脾氣受傷矣。脾胃一傷。則飲食不化。口不知味。四肢困倦。心腹痞滿。為吐泄。為腸澼。此其見之內經諸書。蓋班班具載。可考而知者。然不饑強食。則脾勞。不渴強飲。則胃脹。食若過飽。則氣脉不通。令心塞閉。食若過少。則身羸心懸。意慮不固。食穢濁之物。則心識昏迷。坐

念不安。食不當之物。則四大違反而動。百疾皆非衛生之道也。舉要言之。食必以時。飲必以節。不飽不饑是也。人能飲食如是。不惟脾胃清純。而五臟六腑亦調和矣。蓋人之飲食入口。由胃脘入於胃中。其滋味滲入五臟。其質入於小腸。乃化之。至小腸下口。始分清濁。濁者為渣滓。入於大腸。清者為津液。入於膀胱。乃津液之府也。至膀胱又分清濁。濁者入於溺中。清者入於膽。膽引入於脾。散於五臟。為涎。為唾。為涕。為淚。為汗。其滋味滲入五臟。乃成五汗。同歸於脾。脾和乃化血。復歸於臟腑也。經曰。脾土旺能生萬物。衰生百病。昔東坡調脾土。飲食不過一罇一肉。有召飲者。

預以此告。一曰安分以養福。二曰寬胃以養氣。三曰省費以養財。善衛生者養內。不善衛生者養外。養內者安恬臟腑。調順血脈。養外者極滋味之美。窮飲食之樂。雖肌體充腴。而酷烈之氣。內蝕臟腑矣。

考正穴法

隱白○足大指端內側去爪甲角如韭葉。脾脉所出為井。木素註針一分。留三呼。銅人針三分。灸三壯。主腹脹喘滿。不得安卧。嘔吐食不下。胸中熱。暴泄。衄血。尸厥不識人。足寒不能溫。婦人月事過時不止。小兒客忤。慢驚風。大都○足大指本節後內側陷中。腎經赤白肉際。脾脉所

溜為榮火。脾虛補之。銅人針三分。灸三壯。主熱病汗不出。不得臥。身重骨疼。傷寒手足逆冷。腹滿善嘔。煩熱悶亂。吐逆目眩。腰痛不可俯仰。繞踝風。胃心痛。腹脹胸滿。心蛇痛。小兒客忤。

太白○足大指內側內踝前核骨下陷中。脾脉所注。為俞土。銅人針三分。灸三壯。主身熱煩滿。腹脹食不化。嘔吐泄瀉膿血。腰痛大便難。氣逆霍亂。腹中切痛。腸鳴。膝股肝痠轉筋。身重骨痛。胃心痛。腹脹。胸滿。心痛。脉緩。

公孫○足大指本節後一寸。內踝前。足太陰絡脉。別走陽明胃經。銅人針四分。灸三壯。主寒瘧。不嗜食。癰氣。好太

息多寒熱汗出。病至則喜嘔。嘔已乃衰。頭面腫起。煩心
狂言。多飲。膈虛。厥氣上逆。則霍亂。實則腸中切痛。瀉之
虛則鼓脹。補之。

商丘○足內踝骨下微前陷中。前有中封。後有照海。其穴
居中。脾脉所行為經金。脾實瀉之。鉤人灸三壯。針三分。
主腹脹。腸中鳴。不便。脾虛令人不樂。身寒。善太息。心悲。
骨痺。氣逆。痔疾。骨疽。蝕。魘。夢。癰。瘰。寒熱。好嘔。陰股內痛。
氣癰。狐疝。走上下。引小腹痛。不可俛仰。脾積。痞氣。黃疸。
舌本強痛。腹脹。寒瘧。溇。瘕。泄水。面黃。善思。善味。食不消。
體重。節痛。怠惰嗜卧。婦人絕子。小兒慢風。

三陰交○內踝上三寸骨下陷下足太陰少陰厥陰之會。

銅人針三分。灸三壯。主脾胃虛弱。心腹脹滿。不思飲食。脾痛身重。四肢不舉。腹脹腸鳴。溏泄食不化。痞癰腹寒。膝內應痛。小便不利。陰莖痛。足痿不能行。疝氣。小便遺。膽虛。食後吐水。夢遺失精。霍亂。手足逆冷。呵欠。頰車蹉。開張口不合。男子陰莖痛。元臟發動。臍下痛不可忍。小兒客忤。婦人臨經行。房羸瘦。癥瘕漏血不止。月水不止。妊娠胎動橫生。產後惡露不行。去血過多。血暈。不省人事。如經脉塞閉不通。瀉之立通。經脉虛耗不行者。補之。經脉益盛則通。按宋太子出苑逢妊婦診曰。女。徐文。

伯曰。一男一女。太子性急欲視。文伯瀉三陰交。補合谷。胎應針而下。果如文伯之診。後世遂以三陰交合谷為妊婦禁針。然文伯瀉三陰交。補合谷。而墮胎。今獨不可補三陰交。瀉合谷。而安胎乎。蓋三陰交。腎肝脾三脉之交會。主陰血。血當補不當瀉。合谷為大腸之原。大腸為肺之腑。主氣。當瀉不當補。文伯瀉三陰交。以補合谷。是血衰氣旺也。今補三陰交。瀉合谷。是血旺氣衰矣。故劉

元賓亦曰。

血衰氣旺。定無妊。血旺氣衰。應有胎。

漏谷。

一名太陰絡

內踝上六寸。胛骨下陷中。銅人針三分。禁

灸。主腸鳴。

強。欠心悲。逆氣。腹脹滿急。痲痺冷。氣。食飲不

為肌膚。膝痺足不能行。

地機

一名脾舍

○膝下五寸。膝內側輔骨下陷中。伸足取之。足

太陰郄。別走上一寸。有空。銅人灸三壯。針三分。主腰痛。不可俛仰。澹泄。腹脇脹。水腫。腹堅。不嗜食。小便不利。精不足。女子癥瘕。按之如湯沃股內至膝。

陰陵泉。○膝下內側輔骨下陷中。伸足取之。或屈膝取之。在膝橫紋頭下。與陽陵泉穴相對。稍高一寸。足太陰脾脉所入。為合水。銅人針五分。主腹中寒。不嗜食。脇下滿。水脹。腹堅。喘逆。不得卧。腰痛。不可俛仰。霍亂。疝瘕。遺精。尿失禁。不自知。小便不利。氣淋。寒熱不節。陰痛。胸中熱。

暴泄殄泄。

血海○膝臑上內廉白肉際二寸半。銅人針五分。灸三壯。
主氣逆腹脹。女子漏下惡血。月事不調。東垣曰。女子漏
下惡血。月事不調。暴崩不止。多下水漿之物。皆由飲食
不節。或勞傷形體。或素有氣不足。灸太陰脾經七壯。
箕門○魚腹上越筋間。陰股內動脉應手。一云股上起筋
間。銅人灸三壯。主淋。小便不通。遺溺。鼠鼯腫痛。

衝門

一名上慈宮

○府舍下一寸。橫骨兩端約中動脉。去腹中

行各四寸半。銅人針七分。灸五壯。主腹寒氣滿。腹中積
聚。疼癢。淫樂。陰疝。婦人難乳。妊娠子冲心。不得息。

府舍○腹結下二寸。去腹中行各四寸半。足太陰厥陰陰維之會。三脉上下二入腹。絡脾肝。結心肺。從脇上至肩。此太陰却三陰陽明之別。銅人灸五壯。針七分。主疝瘕。痺中急疼。循脇上下。搶心。腹滿積聚。瘕氣霍亂。

腹結

一名腸窩

○大橫下一寸三分。去腹中行各四寸半。銅人

針七分。灸五壯。主欬逆。繞臍痛。腹寒瀉利。上搶心。欬逆。大橫○腹哀下三寸五分。去腹中行各四寸半。足太陰陰維之會。銅人針七分。灸五壯。主太風逆氣。多寒善悲。四肢不可舉動。多汗洞痢。

腹哀○日月下一寸五分。去腹中行各四寸半。足太陰陰

維之會。銅人針三分。主寒中食不化。大便膿血。腹中痛。
食實。天谿下一寸六分。去胸中行各六寸。舉臂取之。銅
人針四分。灸五壯。主胸脇支滿。脇間雷鳴。常有水聲。脇
痛。


天谿。胸鄉下一寸六分。陷中。去胸中行各六寸。仰而取
之。銅人針四分。灸五壯。主胸中滿痛。賁膺。欬逆。上氣。喉
中作聲。婦人乳腫。癰癰。

胸鄉。周榮下一寸六分。去胸中行各六寸。仰而取之。銅
人針四分。灸五壯。主胸脇支滿。引脇背痛。不得卧。轉側
難。

周榮○中府下一寸六分。去胃中行各六寸。仰而取之。銅人針四分。主胃脇滿不得俛仰。食不下。喜飲。欬唾穢膿。欬逆多淫。

大包○淵液下三寸。布胸脇中。出九肋間。脾之大絡。總統陰陽諸絡。由脾灌漑五臟。銅人灸三壯。針三分。主胃脇中痛。喘氣實則身盡痛。瀉之。虛則百節盡皆縱。補之。

心臟圖



手少陰心經



內經曰。心者。君主之官。神明出焉。

心者。生之本。神之變也。其華在面。其充在血脉。為陽中之太陽。通於夏氣。

南方赤色。入通於心。開竅於舌。藏精於心。故病在五臟。其味苦。其類火。其畜羊。其穀黍。其應四時。上為熒惑星。是以知病之在脉也。其音徵。其數七。其臭焦。其液汗。

南方生熱。熱生火。火生苦。苦生心。心生血。血生脾。心上舌。其在天為熱。在地為火。在體為脉。在臟為心。在聲為笑。在變動為憂。在志為喜。苦傷心。恐勝喜。熱傷氣。寒勝熱。苦傷氣。鹹勝苦。

手少陰心經穴歌

九穴午時手少陰極
水青靈少海深靈
少海深靈少海深靈
少海深靈少海深靈
少海深靈少海深靈
少海深靈少海深靈
少海深靈少海深靈
少海深靈少海深靈
少海深靈少海深靈
少海深靈少海深靈

門少府少衝尋左右
一十八穴

○此一經起於極泉
終於少衝取少衝少府神門靈道少
海與井榮俞經合也
肘起心中出屬心系下膈絡小腸其
支者從心系上俠咽
繫目其直者復從心系却上肺出腋
下下循臑內後廉行
太陰心主之後下肘內廉循臂內後
廉抵掌後銳骨之端
入掌內廉循小指之內出其端多氣
少血午時氣血注此
下火之臟脉在左寸實則熱而虛則
寒靜則安而動則燥
虛寒者怯怕多驚健忘恍惚清便自

可診必濡細達虛實。熱者癩狂譏語。腮赤舌乾。二腑益黃。
脉湏數洪沉實。心盛則熱見乎標。心虛則熱收於內。虛則
補其母。實則瀉其子。虛實既知。補瀉必當。味甘瀉而補之。
以鹹氣熱補而瀉之。以冷心陽不足。桂心代赭。紫石英補。
湏參附離火有餘。竹葉大黃山梔子。瀉用芩連。涼心者硃
砂。壯心者琥珀。古長過寸。研冰片敷之。即收血。血衄如泉。炒
槐花摻之。即止。除瘡。琥珀膏。犀角與辰砂。定志寧神丸。硃
砂共蓮草蔓荊子。涼諸經之血。草連翹瀉六經之火。驚悸
不安。湏龍腦沙參。小阜健忘。失記。以茯神遠志當歸。多睡。
飲盧仝之苦茶。不眠。服雷公之酸棗。涼血補陰。生地黃。行。

津止渴天花粉文蛤末敷愈口瘡鐵絳粉噙消舌腫中風
不語燒竹瀝涼之更良感熱多言飛硃砂鎮之又善胸間
痞痛開之枳實瓜蒌心內懊憹治之梔子豉熱心痛炒
菖蒲川練梔子宜焦冷心痛須木香肉桂玄胡可炒心驚
盜汗飛辰砂與六黃鼻血衄流血煮黃芩炒芍藥驚熱獨炒
珍珠癲狂獨加鐵粉安鎮靈臺琥珀丹砂和玉屑開清神
府茯神遠志共菖蒲大哉離今應物無迹倘真血之有虧
覓真鉛而補實至靈心也操存有要或元氣之有損求真
末而填完用藥固可言傳上達必由心悟。

導引本經○夫心乃一身之主宰生死之路頭也是故心

生則種種欲生而神不入氣。心靜則種種欲靜而神氣相抱也。內經曰：夏月人身陽氣發外，伏陰在內，是脫精神之時。忌疏通以泄精氣。夏三月，此謂蕃秀，天地氣交，萬物華實。夜卧早起，無厭於日，使志無怒，華成秀。此夏氣之應，養長之道也。逆之則傷心。秋為痾瘡，故人常宜燕居靜坐，調心息氣，食熱戒冷。常要兩目垂簾，逆光內照，降心火於丹田，使神氣相抱。故太玄養初曰：感心于淵，美厥靈根，神不外也。心牽於事，則火動於中矣。心火夏令正旺，脉本洪大，若緩是傷暑至晚，少食飲，食睡，一揮扇，風邪易入。昔鄺子元有心疾，或曰有僧不用符藥能治心疾。元叩其僧曰：

貴恙起於煩惱。煩惱生於妄想。夫妄想之來。其幾有三。或追憶數十年前。則榮辱恩仇。悲歡離合。及種種閑情。此是過去妄想也。或重到眼前。可以順應。却又畏首畏尾。三番四復。猶豫不決。此是見在妄想也。或期望日後富貴。皆如願。或期望功名遂告老歸田。或期望子孫登庸。以繼書香。與夫一切不可必成。不可必得之事。此是未來妄想也。三者妄想。忽然而生。忽然而滅。禪家謂之幻心。能照見其妄。而斬斷念頭。禪家謂之覺心。故曰不患念起。惟患覺遲。此心若同太虛。煩惱何處安脚。又曰貴恙亦原於水火不交。凡溺愛洽容。而作色荒。禪家謂之外感之欲。夜深枕上思。

得治容。或成宵寐之變。禪家謂之內生之欲。二者之欲。綢繆染着。消耗元精。若能離之。則腎水自然滋生。可以上交於心。至若思索文字。忘其寢食。禪家謂之理障。經綸職業。不顧劬勞。禪家謂之事障。二者雖非人欲。亦損性靈。若能遣之。則火不至上炎。可下交於腎。故曰塵不相緣。根無所偶。返流全一。六用不行。又曰苦海無邊。回頭是岸。子元如其言。乃獨處一室。掃空萬緣。坐靜月餘。心疾如失。

考正穴法

極泉○臂內腋下筋間動脈入胸。銅人針三分。灸七壯。主臂肘厥寒。四肢不收。心痛乾嘔。煩渴目黃。脇滿痛。悲怒。

不樂。

青靈○肘上三寸。伸肘舉臂取之。銅人灸七壯。明堂灸三壯。主目黃頭痛。振振寒脇痛。肩臂不舉。不能帶衣。

少海

一名曲節

○肘內廉。即後大骨外。去肘端五分。屈肘向頭

得之。手少陰心脉所入。為合水。銅人針三分。灸三壯。甄

權云。不宜灸。針五分。甲乙針二分。留三呼。瀉五吸。不宜

灸。素註灸五壯。資生云。數說不同。要之非大急。不灸主

寒熱齒齲痛。目眩。狂嘔吐涎沫。項不得回顧。肘攣腋

脇下痛。四肢不得屈伸。齒寒。腦風頭痛。氣逆噎噦。癰癰。心

疼。手顫健忘。

靈道○掌後一寸五分。手少陰心脉所行為經。金。銅人針三分。灸三壯。主心痛。乾嘔。悲恐。相引瘕瘕。肘攣。暴瘡。不能言。

通里○掌後一寸。陷中。手少陰心脉之絡。別走太陽小腸經。銅人針三分。灸三壯。明堂灸七壯。主目眩。頭痛。熱病。先不樂。數日。懊懣。欠。頻呻。悲。面熱。無汗。頭風。暴瘡。不言。目痛。心悸。肘臂_時痛。苦嘔。喉痺。少氣。遺溺。婦人經血過多。崩中。實則支滿。膈腫。瀉之。虛則不能言。補之。陰郄○掌後脉中。去腕五分。銅人針三分。灸七壯。主鼻衄。吐血。洒淅。畏寒。脉逆。氣驚。心痛。霍亂。胸中滿。

神門

一名鉞中
一名中鉞

○掌後銳骨端陷中。手少陰心脉所注為

俞土。心實瀉之。銅人針三分。留七呼。灸七壯。主瘧心煩。
甚欲得冷飲。惡寒則欲處溫中。咽乾不嗜食。心痛數噫。
恐悸。少氣不足。手臂寒。面赤喜笑。掌中熱而哕。目黃脇
痛。喘逆身熱。狂悲狂笑。嘔血吐血。振寒上氣。遺溺失音。
心性癡呆。健忘。心積伏梁。大小人五癰。東垣曰。胃氣下
溜五臟。氣皆亂。其為病互相出見。氣在於心者。取之手
少陰之俞。神門同精道氣。以復其本位。靈樞經曰。少陰
無俞。心不病乎。其外經病而臟不病。故獨取其經於掌
後銳骨之端。心者五臟六腑之大主。精神之所舍。其臟

堅固邪不能容。容邪則身死。故諸邪皆在心之包絡。包絡者。心主之脉也。


少府○手小指本節後骨縫陷中。直勞宮。手少陰心脉所溜。為榮。火。銅人針二分。灸七壯。明堂灸三壯。主煩滿。少氣。悲恐。畏人。掌中熱。臂痠。肘腋攣急。胸中痛。手捲不伸。瘡瘍久不愈。振寒。陰挺出。陰癢。陰痛。遺尿。偏墜。小便不利。太息。

少衝一名經始○手小指內側去爪甲角如韭葉。手少陰心脉所出。為井。木。心虛補之。銅人針一分。灸三壯。明堂灸一壯。主熱病煩滿。上氣。噎乾渴。目黃。臍臂內後廉痛。胸心

痛。痰氣悲驚寒熱肘痛不伸。張潔古治前陰臊臭瀉肝行
間。後於此穴以治其標。

小腸腑圖

小腸上口。
即胃下口。



小腸下口。
即大腸上口。

手太陽小腸經



內經曰。小腸者。受盛之官。化物出焉。又云。小腸為赤腸。胃之下口。小腸之上口也。在臍上二寸。水穀於是分焉。大腸上口。小腸之下口也。至是而泌別清濁。水液滲入膀胱。滓穢流入大腸。

手太陽小腸經穴歌。

手太陽穴一十九。少澤前谷後谿。腕骨陽谷養老。繩支正。小海外。輔肘。肩貞。臑俞。接天宗。膠外。秉風。曲垣。首肩外。俞連肩中。俞天窓。乃與入谷偶。銳骨之端上。顴髻聽宮耳。前珠上走。左右三十八穴。

○此一經起於少澤。終於聽宮。取少澤前谷後谿。腕骨陽

谷少海與井榮俞原經合也。脉起小指之端循手大側上腕出踝中直上循臂骨下廉出肘內側兩骨之間上循臑外後廉出肩胛繞肩胛交肩上入缺盆絡心循咽下膈抵胃屬小腸其支者從缺盆貫頸上頰至目銳眦却入耳中其支別者別循頰上頰頰音拙抵鼻至目內眦也多血少氣未時氣血注此丙火之腑脉詳左寸是經之為病也面白耳前熱苦寒肩臂廉內外腫痛沉診為心實則脉實煩滿而口舌生瘡浮取小腸虛則脉虛煩燥而唇青下白頰腫不可轉清痰降火腰折難動履淺瀉利執倘小便數頻烏藥益智丸用酒煮山藥若精氣不固白茯苓本和須蠟化

津液。小腸。疝。氣。茴香。薑。浸入青鹽。腎官精冷。川練炒成。加
木破。滑石。寒。而能治諸淋。沉香。溫。而能行諸氣。尿血。煮苦
曹菜根。血淋。煎車前子。葉。清泉。旋汲。飲。髮灰。薄荷。時煎。調
琥珀。熱。入。小。腸。為。赤帶。茴香。苦練。當歸。邪歸。大腑。變膏。淋
滑石。金砂。其。草。並。考。牡蠣。石斛。補。續。隨。金砂。漏。巴戟。烏藥
茴香。溫。黃芩。通。草。花。粉。涼。羌活。藥。本。引。於。上。黃栢。二。苓。行
於下。細。閱。本。草。之。旨。畧。為。理。治。之。階。毋。執。已。見。妙。在。言。傳。

考正穴法

少澤。一名。吉。○。手小指端外側。去爪口角下一分陷中。手太
陽。小腸。脉。所出。為井。金。素。註。灸三壯。銅人灸一壯。針一

分留二呼。主瘧寒熱汗不出。喉痺舌強。口乾心煩。臂痛。瘰癧。欬嗽。口中涎唾。頸項急不得回顧。目生膚翳。覆瞳子。頭痛。

前谷○手小指外側本節前陷中。手太陽小腸脉所溜為漿水。銅人針一分。留三呼。灸一壯。明堂灸三壯。主熱病汗不出。瘰癧癰疾。耳鳴。頸項腫。喉痺。頰腫。引耳後。鼻塞不利。咳嗽吐衄。臂痛不得舉。婦人產後無乳。

後谿○手小指外側本節後陷中。握拳取之。手太陽小腸脉所注為俞木。小腸虛補之。銅人針一分。留二呼。灸一壯。主瘧寒熱。目赤生翳。鼻衄。耳聾。胸滿。頭項強不得回。

顙顙疾臂肘攣急痂疥。

腕骨○手外側腕前起骨下陷中。手太陽小腸脉所過為原。小腸虛實皆拔之。銅人針二分。留三呼。灸三壯。主熱病汗不出。脇下痛不得息。頸領腫。寒熱耳鳴。目冷淚生。翳狂惕。偏枯肘不得屈伸。瘰癧。頭痛。煩悶驚風。瘰癧五指掣頭痛。

陽谷○手外側腕中。銳骨下陷中。手太陽小腸脉所行為經火。素註灸三壯。針二分。留三呼。甲乙留二呼。主癩疾。狂走熱病汗不出。脇痛。頸領腫。寒熱耳聾耳鳴。齒齲痛。臂外側痛不舉。吐舌戾頸。妄言。左右顙目眩。小兒瘰癧。

強不咽乳

養老○手踝骨前上一云腕骨後一可陷中手太陽郄銅
人針三分灸三壯主肩臂痠疼肩欲折臂如拔手不能
自上下目視不明

支正○腕後五寸手太陽絡脉別走少陰銅人針三分灸
三壯明堂灸五壯主風虛驚恐悲愁癲狂五勞四肢虛
弱肘臂痠難屈伸手不握十指盡痛熱病先腰頸痠喜
渴強項疣目實則節弛肘廢瀉之虛則生疣小如指痂
疥補之

小海○肘外大骨外去肘端五分陷中屈手向頭取之手

太陽小腸脉所入為合土。小腸實瀉之。素註針二分。留
七呼。灸三壯。主頸領肩臑肘臂外後廉痛。寒熱齒齲腫
風眩頸項痛。湯腫振寒。肘腋痛腫。小腹痛。癰發。羊鳴。灰
頸。瘕。癰。狂走。額腫不可回顧。肩似拔。臑似折。耳聾。目黃。
頰腫。

肩貞。○曲胛下兩骨解間。肩髃後陷中。銅人針五分。素註
針八分。灸三壯。主傷寒寒熱。耳鳴耳聾。缺盆肩中熱痛。
風痺。手足麻木不舉。

臑俞。○俠肩髃_{明手陽}穴後大骨下胛上廉陷中。舉臂取之。手
太陽陽維陽蹻三脉之會。銅人針八分。灸三壯。主臂痠

無力。肩痛引胛。寒熱。肌腫。脛痛。

天宗○秉風後。大骨下陷中。銅人灸三壯。針五分。留六呼。
主肩臂痠疼。肘外後廉痛。頰頰腫。

秉風○天髀外。肩小顙後。舉臂有空。手太陽陽明手足
少陽四脉之會。銅人灸五壯。針五分。主肩痛不能舉。

曲垣○肩中央。曲胛陷中。按之應手痛。銅人灸三壯。針五
分。明堂針九分。主肩痺熱痛。氣注肩胛。拘急痛悶。

肩外俞○肩胛上廉。去脊三寸陷中。銅人針六分。灸三壯。
明堂灸一壯。主肩胛痛。周痺寒至肘。

肩中俞○肩胛內廉。去脊二寸陷中。素註針六分。灸三壯。

銅人針三分留七呼灸十壯主欬嗽上氣唾血寒熱目視不明。

天窗

一名窓龍

○頸大筋間前曲頰下扶突後動脉應手陷中。

銅人灸三壯針三分素註針六分主痔瘻頸痛肩痛引項不得回顧耳聾頰腫喉中痛暴瘖不能言齒噤中風天容○耳下曲頰後針一寸灸三壯主喉痺寒熱咽中如梗瘦頸項癱不可回顧不能言胸痛胸滿不得息嘔逆吐沫齒噤耳聾耳鳴

顴髎○面頰骨下廉銳骨端陷中手少陽太陽之會素註針三分銅人針二分主口喎面赤目黃眼瞤動不止頰

腫齒痛。

聽宮

一名多所聞

○耳中珠子大如赤小豆手足少陽手太陽


三脉之會銅人針三分灸三壯明堂針一分甲乙針三

分主失音癰疾心腹滿聾耳耳聾如物填塞無聞耳中

嘈嘈懷懷蟬鳴。

膀胱腑圖


膀胱有下口。
 無上口。上系
 小腸。津溺由
 小腸下焦滲
 入。



膀胱

出於下焦
 入於小腸

足太陽膀胱經



內經曰。膀胱者。州都之官。津液藏焉。氣化則能出矣。又曰。膀胱為黑腸。○諸書辨膀胱不一。有云有上口無下口。有云上下皆有口。或云有小竅注泄。皆非也。惟有下竅以出。溺上皆由泌別滲入膀胱。其所以入也。出也。由於氣之施也。在上之氣不施。則往入大腸而為泄。在下之氣不施。則急脹瀉泄。苦不出而為淋。

足太陽膀胱經穴歌。

足太陽經六十七。睛明日內紅肉藏。攢竹眉冲與曲差。五處上寸半承光。通天絡却玉枕昂。天柱後際大筋外。大杼背部第二行。風門肺俞厥陰四。心俞督俞膈俞強。肝膽脾

胃俱挨次三焦腎氣海大腸關元小腸到膀胱中膺白環
仔細量自從大杼至白環各各節外寸半長上膠次膠中
復下一空二空腰髀當會陽陰尾骨外取附分俠脊第三
行魄戶膏肓與神堂譚譚膈關魂門九陽綱意舍仍胃倉
育門志室胞肓續二十椎下扶逆場承扶腎橫紋中央殷
門浮郄到委陽委中合陽承筋是承山飛揚踝附陽崑崙
僕參連申脉金門京骨束骨忙通谷至陰小指旁一百三十四穴
○此一經起于睛明終于至陰取至陰通谷束骨京骨崑
崙委中與井榮俞原經合也脉起目内眥上額交巔上其
支者從巔至耳上角其直行者從巔入絡腦還出別下項

循肩膊內俠脊抵腰中入循脊絡腎屬膀胱其支別者從腰中下貫腎入臍中其支別者從膊內左右別下貫胛俠脊內過髀樞循髀外後廉下合臍中以下貫膈內出外踝之後循京骨至小指外側端多血少氣申時氣血注此壬水之腑脉居左寸是膀胱實則脉實病胞轉不得小便苦煩滿難於俛仰藥用寒涼通利竅石膏梔子蜜同煎虛則脉虛腸痛引腰難屈伸脚筋緊急耳重聽補磁石五味黃芪配苓朮石英杜仲六腑熱蒸腸內澁木通生地黃苓小便不利莖中疼薤白茯苓通草腎人如斗青支荔核小茴香胞轉如塞葵子滑石寒水石冷熱熨可利便難屈伸導

能和腰痛。風熱相乘。壅腫。服三白而立消。蚘蟻吹着陽。將
數蟬蛻而即散。羌活。黃芩。本行於上。黃柏。法製走於下。補用
橘核。益智仁。瀉瀉滑石。車前子。加茴香。烏藥。能溫添黃柏。
生地。清涼也。

考正穴法

睛明

一名疾

○目內眥。明堂云內眥頭外一分。宛宛中。手足

太陽足陽明陰蹻陽蹻五脉之會。針一分半。留三呼。雀

目者可久留針。然必久速出針。禁灸。主目遠視不明。惡風

淚出。憎寒頭痛。目眇。內眥赤痛。眦眦無見。眥癢。淫膚白

翳。大眥攀睛。努肉。收睛。雀目。瞳子生瘴。小兒疳眼。大人

氣眼冷淚。

按東垣曰刺太陽陽明出血則目愈明。蓋此經多血少氣。故目翳黑亦痛。從內眥起者。刺睛明。攢竹以宣泄太陽之熱。然睛明刺一分半。攢竹刺一分三分。為適淺深之宜。金匱家刺攢竹。卧針直抵睛明。不補不瀉。而又留針。非古人意也。

攢竹

一名始光一名員柱一名元明

○兩眉頭陷中。素註針二分。留六呼。

灸三壯。銅人禁灸。

針一分。留三呼。瀉三吸。徐徐出針。宜

以細三稜針刺之。

宣泄熱氣。三度刺目大明。明堂宜細

三稜針三分出血。

灸一壯。主目眦眦視物不明。淚出目

眩。瞳子瘖。目青。眼中赤痛。及臉。睨動不得卧。頰痛。面痛。尸厥。癲邪。神狂。鬼魅。風眩。噤。

眉冲。○直眉頭上。神庭。曲差之間。針三分。禁灸。主五癰。頭痛。鼻塞。

曲差。○神庭旁一寸五分。入髮際。銅人針二分。灸三壯。主目不明。鼽。衄。鼻。衄。鼻。瘡。心煩。滿汗不出。頭頂痛。頂腫。身體煩熱。

五處。○俠上星旁一寸五分。銅人針三分。留七呼。灸三壯。明堂。灸五壯。主脊強反折。瘰癧。癰疾。頭風熱。目眩。目不明。目上戴。不識人。

承光○五處後一寸五分。銅人針三分。禁灸。主風眩頭痛。嘔吐心煩。鼻塞不聞香臭。口喎。鼻多清涕。自生白翳。

通天○承光後一寸五分。銅人針三分。留七呼。灸三壯。主頸項轉側難。瘰氣。鼻衄。鼻瘡。鼻塞。鼻多清涕。頭旋。尸厥。口喎。喘息。頭重。暫起。僵仆。癰瘤。

絡却一名強陽○通天後一寸五分。素註刺三分。留五呼。

銅人灸三壯。主頭旋耳鳴。狂走癡痰。恍惚不樂。腹脹。青盲。內障。目無所見。

玉枕○絡却後一寸五分。秩腦戶旁一寸三分。起肉枕骨上。入髮際二寸。銅人灸三壯。針三分。留三呼。主目痛如

脫不能遠視內連系急頭風痛不可忍鼻窒不聞。

天柱○俠項後髮際大筋外廉陷中銅人針五分得氣即
瀉明堂針二分留三呼瀉五吸灸不及針日七壯至百
壯下經灸三壯素註針二分留六呼主足不任身體肩
背痛欲折目瞋視頭流腦痛頭風鼻不知香臭腦重如
脫項如拔項強不可回顧。

大杼○項後第一椎下兩旁相去脊各一寸五分陷中正
坐取之督脉別絡手足太陽少陽之會難經曰骨會大
杼疏曰骨病治此袁氏曰肩能負重以骨會大杼也銅
人針五分灸七壯明堂素註灸下經素註針三分留七呼。

安七壯。資生云。非大急不灸。主膝痛不可屈伸。傷寒汗不出。腰脊痛。胸中鬱鬱。執其不已。頭風振寒。項強不可
後仰。痰癰。頭旋勞氣。咳嗽。身熱。目眩。腹痛。僵仆。不能久
立。煩滿。裏急。身不安。筋掣。癰疾。身躄。急大刺。垣曰。五臟
氣亂。在於頭。取之天柱。大抒。不補。不瀉。以導氣而已。

風門

一名熱府

○二椎下兩旁。相去脊各一寸五分。正坐取之。

銅人針五分。素註針三分。留七呼。明堂灸五壯。若頻刺
泄諸陽熱氣。背永不發癰疽。灸五壯。主發背癰疽。身熱。
上氣喘。氣欬逆。胸背痛。風勞嘔吐。多痰。鼻軌。出清涕。傷
寒頭項強。目眩。胸中熱。卧不安。

肺俞○第三椎下兩旁相去脊各一寸五分。千金對乳引
繩度之。甄權以搭手左取右右取左。當中指末是。正坐
取之。甲乙針三分。留七呼。得氣即瀉。甄權灸百壯。明下
灸三壯。素問刺中肺三日死。其動為欬。主癰氣黃疸勞
瘵。口舌乾勞熱。下氣腰脊強痛。寒熱喘滿。虛煩傳尸骨
蒸。肺痿咳嗽。肉痛。皮癢。嘔吐。支滿。不嗜食。狂走欲自殺。
背僂。肺中風。偃卧。胸滿短氣。瞽悶汗出。百毒病。食後吐
水。小兒龜背。仲景曰。太陽與少陽併病。頭項強痛。或眩
冒。時如結胸。心下痞硬者。當刺太陽。肺俞肝俞。

厥陰俞

一名厥俞

○四椎

下兩旁相去脊各一寸五分。正坐取

之銅人針三分。灸七壯。主欬逆牙痛心痛胸滿嘔吐留結煩悶。或曰臟腑皆有俞在背。獨心包絡無俞。何也。曰厥陰俞即心包絡俞也。

心俞○五椎下兩旁。相去脊各一寸五分。正坐取之。銅人針三分。留七呼。得氣即瀉。不可灸。明堂灸三壯。資生云刺中心一日死。其動為噫。豈可妄針。千金言中風心急。灸心俞百壯。當權其緩急可也。主偏風半身不遂。心氣亂恍惚。心中風。僵卧不得傾側。汗出唇赤。狂走發癇。語悲泣。心胸悶。欬吐血。黃疸鼻衄。目瞶。目昏。嘔吐不下。食健忘。小兒心氣不足。數歲不語。

腎俞○六椎下兩旁相去脊各一寸五分正坐取之灸三壯主寒熱心痛腹痛雷鳴氣逆

鬲俞○七椎下兩旁相去脊各一寸五分正坐取之難經曰血會鬲俞疏曰血病治此蓋上則心俞心生血下則肝俞肝藏血故鬲俞為血會又足太陽多血血乃水之象也銅人針三分留七呼灸三壯素問刺中鬲皆為傷肝其病難愈不過一歲必死主心痛周痺吐食翻胃骨蒸四肢怠惰嗜卧痿痺欬逆嘔吐兩胃寒痰食飲不下熱病汗不出身重常溫不能飲食則心痛身痛腫脹脇腹滿自汗盜汗

肝俞○九椎下兩旁。相去脊各一寸五分。正坐取之。經曰
東風傷於春。病在肝。銅人針三分。留六呼。灸三壯。明堂
灸七壯。素問刺中肝五日死。其動為欠。主多怒。黃疸。鼻
衄。熱病後目暗淚出。目眩。氣短。欬血。目上視。欬逆。口乾
寒疝。筋寒。熱。脛筋急。相引轉筋入腹。將死。千金云。欬引
兩脇急。痛不得息。轉側難。擗肋下與脊相引而反折。目
眦上。目眩。循眉頭。驚狂。衄血。起則目眩。生白翳。欬引
胸中痛。寒疝。小腹痛。唾血。短氣。熱病差後食五辛。目暗。
肝中風。踞坐不得低頭。繞兩目連額上。色微青。積聚瘕
疝。

膽俞○十椎下兩旁相去脊各一寸五分正坐取之銅人
針五分留七呼灸三壯明堂針三分下經灸五壯素問
刺中膽一日半死其動為嘔主頭痛振寒汗不出腋下
腫脹口苦舌乾咽痛乾嘔吐骨蒸勞熱食不下目黃。

按資生經所載。惟知悌平取四花穴。上二穴是兩俞。
下二穴是膽俞。四穴主血。故取此以治勞瘵。後世誤
以四花為斜取井也。

脾俞○十一椎下兩旁相去脊各一寸五分正坐取之銅
人針三分留七呼灸三壯明堂灸五壯素問刺中脾十
日死其動為吞主腹脹引胸背痛多食身瘦痿痺積聚

脇下滿泄利。痰癰寒熱。水腫氣脹。引脊痛。黃疸。善欠。不嗜食。

胃俞○十二椎下兩旁。相去脊各一寸五分。正坐取之。銅人針三分。留七呼。灸隨年為壯。明堂灸三壯。下經灸七壯。主霍亂胃寒。腹脹而鳴。翻胃嘔吐。不嗜食。多食羸瘦。目不明。腹痛。胸脇支滿。春癰筋攣。小兒羸瘦。不生肌膚。東垣曰。中濕者。治在胃俞。

三焦俞○十三椎下兩旁。相去脊各一寸五分。正坐取之。銅人針五分。留七呼。灸三壯。明堂針三分。灸五壯。主臟腑積聚。脹滿。羸瘦。不能飲食。傷寒頭痛。飲食吐逆。肩目。

急腰脊強不得俛仰。水泄不化泄注下利。腹脹腸鳴目眩頭痛。

腎俞○十四椎下兩旁。相去脊各一寸五分。前與臍平。正坐取之。銅人針三分。留七呼。灸以年為壯。明堂灸三壯。素問刺中腎六日死。其死為嘔。主虛勞羸瘦耳聾耳鳴。虛水臍久冷。心腹填滿。脹心兩脇滿。引小腹急痛。脹熱小便淋。目視眊眊。少氣溺血。小便濁。出精夢泄。腎中風。踞坐而腰痛。消渴。五勞七傷。虛損。脚膝拘急。腰寒如水。頭重身熱。振慄。食多羸瘦。面黃黑。腸鳴。膝中四肢淫滌。洞泄。食不化。身腫如水。女子積冷氣成勞。乘經交接羸瘦。

寒熱往來。

氣海俞○十五椎下兩旁。相去脊各一寸五分。主腰痛痔漏。針三分。灸五壯。

大腸俞○十六椎下兩旁。相去脊各一寸五分。伏而取之。銅人針三分。留六呼。灸三壯。主脊強不得俛仰。腰痛。腹中氣脹。繞臍切痛。多食。身瘦。腸鳴。大小便不利。洞泄。食不化。小腹絞痛。東垣云。中燥治在大腸俞。

關元俞○十七椎下兩旁。相去脊各一寸五分。伏而取之。主風勞腰痛。泄痢。虛脹。小便難。婦人癥聚諸疾。

小腸俞○十八椎下兩旁。相去脊各一寸五分。伏而取之。

銅人針三分。留六呼。灸三壯。主膀胱三焦津液少。大小腸寒熱。小便赤不利。淋瀝遺溺。小腹脹滿。疝痛。泄利膿血。五色赤痢。下重腫痛。脚腫。五痔。頭痛。虛之。消渴。口乾。不可忍。婦人帶下。

膀胱俞○十九椎下兩旁。相去脊各一寸五分。伏而取之。銅人針三分。留六呼。灸三壯。明堂灸七壯。主風勞脊急。強。小便赤黃。遺溺。陰生瘡。少氣。脛寒拘急。不得屈伸。腹滿。大便難。泄利。腹痛。脚膝無力。女子癥聚。

中膂俞一名脊內俞○二十椎下兩旁。相去脊各一寸五分。俠脊伸起肉。伏而取之。銅人針三分。留十呼。灸三壯。明堂

云腰痛俠脊裏痛。上下按之應者。從項至此穴痛皆宜灸。主腎虛消渴。腰脊強不得俛仰。腸冷赤白痢。疝痛。汗不出。腹脹脇痛。

白環俞○二十一椎下兩旁。相去脊各一寸五分。伏而取之。一云挺伏地。端身兩手相重支額。縱息令皮膚俱緩。乃取其穴。素註針五分。得氣則先瀉。瀉訖多補之。不宜灸。明堂云灸三壯。主手足不仁。腰脊痛。疝痛。大小便不利。腰髖疼。脚膝不遂。溫瘧。腰脊冷疼。不得久卧。勞損虛風。腰背不便。筋逆。臂縮。虛熱閉塞。

上髎○第一空腰髀下一寸。俠脊陷中。足太陽少陽之絡。

銅人針三分。灸七壯。主大小便不利。嘔逆。膝冷。痛鼻衄。寒熱瘧陰挺出。婦人白帶。絕嗣。大理趙州患偏風。不能起跪。甄權針上髎環跳。陽陵泉。巨虛下廉。即能起跪。八髎總治腰痛。

次膠○第二空俠脊陷中。銅人針三分。灸七壯。主小便赤。淋腰痛。不得轉搖。急引陰器痛。不可忍。腰已下至足不仁。背腠寒。小便赤。心下堅脹。疝氣下墜。足清氣痛。腸鳴。注瀉。偏風。婦人赤白帶下。

中膠○三空俠脊陷中。足厥陰少陽所結之會。銅人針二分。留十呼。灸三壯。主大小便不利。腹脹下利。五勞七傷。

六極大便難。小便淋瀝。殘泄。婦人絕子。帶下。月事不調。
下膠。○四空俠脊陷中。銅人針二分。留十呼。灸三壯。主大
小便不利。腸鳴注瀉。寒濕內傷。大便下血。腰不得轉。痛
引卵。女子下蒼汁不禁。中痛。引小腹急痛。

會陽針名。○陰尾尻骨兩旁。銅人針八分。灸五壯。主腹寒。
熱氣。冷氣泄瀉。腸癰下血。陽氣虛之陰汗濕。久痔。

附分。○二椎下附項內。廣兩旁。相去脊各三寸。正坐取之。
手足太陽之會。銅人針三分。素註刺八分。灸五壯。主肘
不仁。有背胸急。風冷。於膝理頸痛。不得回顧。

魄戶。○直附分下。三椎下一兩旁。相去脊各三寸。正坐取之。

銅人針五分得魚即瀉。又宜久留針。日灸七壯。至百壯。
素註五壯。主背膊痛。虛勞肺痿。三尸走疰。項強急不得
回顧。喘息欬逆。嘔吐煩滿。

膏肓俞。○四椎下一分。五椎上二分。兩旁相去脊各三寸。
四肋三間。正坐屈脊。伸兩手。以臂着膝前。令端直。手大
指與膝頭齊。以物支肘。毋令搖動。取之。銅人灸百壯。多
至五百壯。當覺龍龍然似水流之狀。亦當有所下。若無
停痰宿飲。則無所下也。如病人已困。不能正坐。當令側
卧。挽上臂。令取穴灸之。又當灸臍下。氣海。丹田。關元。中
極。四穴中取一穴。又灸足三里。以引火氣實下。主無所

不療。羸瘦虛損。傳尸骨蒸。夢中失精。上氣欬逆。發狂健忘。痰病。左傳。成公十年。晉侯疾病。求醫於秦。秦使醫緩名緩為之。未至。公夢疾為二豎。子曰。彼良醫也。懼傷我。焉逃之。其一曰。居膏之上。膏之下。若我何。醫至曰。疾不可為也。在膏之上。攻之不可。達之不及。藥不至焉。不可為也。公曰。良醫也。厚為之禮而歸之。孫思邈曰。特人拙不能得此穴。所以宿病難清。若能用心方便。求得灸之。疾無不愈矣。

按此二穴。世皆以為起死回生之妙穴。殊不知病有淺深。而醫畧難易。淺者針灸可保十全。深者亦未易

為力。扁鵲云。病有六不治。經云。色脉不順而莫針也。育。兩也。心下為膏。人曰。疑者為脂。釋者為膏。又曰。膏連心脂膏也。人年二旬後方可灸此二穴。仍灸三里。二穴引大氣下行。以固其本。若未出幼而灸之。恐火氣盛。上焦作熱。每見醫家不分老少。又多不針瀉三里。以致虛火上炎。是不經口授而妄作也。豈能療其疾哉。患者灸此必針三里。或氣海。更清心絕慾。參閱前後各經調攝何患乎疾之不瘳也。

神堂○五椎下兩旁。相去脊各三寸陷中。正坐取之。銅人針三分。灸五壯。明堂灸三壯。素註針五分。主腰背脊強。

急不可俛仰。洒淅寒熱。胸滿氣逆。上攻時噎。

諱諱○肩膊內廉俠六椎下兩旁相去脊各三寸。正坐取之。以手重按。病人言諱諱。應手素註針七分。銅人針六分。留三呼。瀉五吸。灸二十七壯。止百壯。明堂灸五壯。主大風汗不出。勞損不得卧。溫瘧寒瘧。背悶氣滿。腹脹氣眩。胸中痛。引腰背肢拘脇痛。目眩目痛。鼻衄喘逆。臂膊內廉痛不得俛仰。小兒食時頭痛。五心熱。

鬲關○七椎下兩旁相去脊各三寸。陷中。正坐開肩取之。銅人針五分。灸三壯。主目痛惡寒。脊強俛仰難。食飲不下。嘔噦多。涎唾胸中噎。兩大便不節。小便黃。

魂門○九椎下兩旁相去脊各三寸陷中。正坐取之。銅人針五分。灸三壯。主尸厥走疰。胸背連心痛。食飲不下。腹中雷鳴。大便不節。小便赤黃。

陽綱○十椎下兩旁相去脊各三寸。正坐闊肩取之。銅人針五分。灸三壯。下經灸七壯。主腸鳴腹痛。飲食不下。小便赤澀。腹脹身熱。大便不節。泄痢赤黃。不嗜食。急情。

意舍○十一椎下兩旁相去脊各三寸。正坐取之。銅人針五分。灸五十壯。至百壯。明堂灸五十壯。下經灸七壯。素註灸二壯。甲乙灸三壯。針五分。主腹滿虛脹。大便滑泄。小便赤黃。背脊惡風寒。食飲不下。嘔吐消渴。身熱目黃。

胃倉○十二椎下兩旁相去脊各三寸正坐取之銅人針五分灸五十壯甲乙灸三壯主腹滿虛脹水腫食飲不下惡寒背脊澀不得伸仰

育門○十三椎下兩旁相去脊各三寸陷中正坐取之銅人灸三十壯灸五分主心下痛大便堅婦人乳疾

志室○十四椎下兩旁相去脊各三寸陷中正坐取之銅

人針九分灸三壯明堂灸七壯主陰腫陰痛背痛腰脊

強直僂仰不得飲食不消腹強直夢遺失精淋瀝吐逆

兩脇急痛霍亂

胞育○十九椎下兩旁相去脊各三寸陷中伏而取之銅

人針五分。灸五七壯。明堂灸三七壯。甲乙灸三壯。主腰脊急痛。食不消。腹堅急。腸鳴淋瀝。不得大小便。癰閉下腫。

秩邊○二十壯。下兩旁相去脊各三寸陷中。伏取之。銅人

針五分。明堂灸三壯。針三分。主五痔發腫。小便赤。腰痛。

承扶一名肉。一名陰關。一名皮部。○尻臀下陰股上紋中。又曰尻臀下

陷紋中。銅人針七分。灸三壯。主腰脊相引如解。久痔尻

臀腫。大便難。陰胞有寒。小便不利。

殷門○浮郤下三寸。銅人針七分。主腰脊不可俛仰。舉重

惡血泄注。外股腫。

浮郤○委陽二寸。展膝得之。銅人針五分。灸三壯。主霍亂轉筋。小眊熱。大腸結。脛外筋急。髀樞不仁。小便熱。大便堅。

委陽○承扶下六寸。穴在足太陽之前。少陽之後。出於腠中外廉兩筋間。三焦下輔俞。足太陽之別絡。素註針七分。留五呼。灸三壯。主腋下腫痛。胸滿膨脹。筋急身熱。飛尸遁症。痿厥不仁。小便淋瀝。

委中一名血郤○腠中央約紋動脉陷中。令人面挺伏地。即取之。足太陽膀胱所入為合。土圭註針五分。留七呼。銅人針八分。留三呼。瀉七吸。甲乙針五分。禁灸。素問刺委

中大脉。令人仆脫色。主膝痛及肘指。腰俠脊沉沉然。遺溺。腰重不能舉。小腹堅滿。體風痺。髀樞痛。可出血。痼瘕皆愈。傷寒四肢熱。熱病汗不出。取其經血立愈。委中者血郛也。大風髮眉墮落。刺之出血。

合陽○約紋下三寸。銅人針六分。灸五壯。主腰脊強引腹痛。陰股熱。胎痠腫。步履難寒。仙陰偏痛。女子崩中。帶下。

承筋一名腓腸○腓腸中央陷中。脛後從脚跟上七寸。銅

人灸三壯。禁針。主腰背拘急。大便秘。腋腫。痔瘡。脛痺不

仁。喘痰。脚急。跟痛。腰痛。鼻衄。霍亂轉筋。

承山

一名魚腹。一名一腸山。○銳腓腓下分肉間陷中。一云腿肚

下分肉間。針經云。取穴須用兩手高托。按壁上。兩足指
離地。用足大指尖豎起。上看足銳腓。跗下分肉間。銅人
灸五壯。針七分。明堂針八分。得氣即瀉。遠出針。灸不及
針。止六七壯。下經灸五壯。主大便不通。轉筋。痔腫。戰慄
不能立。脚氣。膝腫。脛痠。脚跟痛。筋急痛。霍亂。急食不通。
傷寒水結。

飛揚

一名厥陽

○外踝骨上七寸。足太陽絡脉。別走少陰。銅人

針三分。灸三壯。明堂灸五壯。主痔腫痛。體重。起坐不能。
步履不收。脚腓痠腫。戰慄不能久立。久坐。足指不能屈
伸。目眩痛。歷節風逆。氣。癰疾。寒瘡。實則斂。室頭背痛。瀉

之。虛則軌衄補之。

附陽○外踝上三寸。太陽前。少陽後。筋骨之間。陽驕脉起。銅人針五分。灸三壯。留七呼。素註針六分。留七呼。灸三壯。明堂灸五壯。主霍亂轉筋。腰痛不能久立。坐不能起。髀樞股肱痛。痿厥風痺不仁。頭重頰痛。時有寒熱。四肢不舉。

崑崙○足外踝後五分。跟骨上陷中。細脉動應手。足太陽膀胱脉所行為經火。素註針五分。留十呼。銅人針三分。灸三壯。妊婦刺之落胎。主腰尻脚氣足腫。腫不得履地。軌衄。腫如結。踝如裂。頭重。肩背拘急。欬喘滿。腰脊內引。

痛偃僕陰腫痛目眩痛如脫瘡多汗心痛與背相接婦人孕難胞衣不出小兒急驚癇瘰癧。

僕參

一名安邪

○足跟骨下陷中拱足取之陽蹻之本銅人針

三分灸七壯明堂灸三壯主足痿失履不收足跟痛不得履地霍亂轉筋吐逆尸厥癲癧狂言見鬼脚氣膝腫申脉_{即陽}○外踝下五分陷中杏仁甲白肉際前後有筋上有踝骨下有軟骨其穴居中陽蹻脉所生銅人針三分留七呼灸三壯主風眩腰脚痛胫痠不能久立如在舟中勞極冷氣逆氣腰膝冷痺脚膝屈伸難婦人血氣痛潔古曰癰病晝發灸陽蹻。

金門

一名梁關

○外踝下少後

在壻後申脉前是太陽郄陽維

別屬

銅人針一分灸三壯

主霍亂轉筋尸厥癰癩暴疔

膝肘痠身軼不能久立

小兒張口搖頭身反折炷如小

麥大

京骨○足外側大骨下赤白肉際陷中按而得之小指本

節後大骨名京骨其穴在骨下足太陽脉所過為原膀

腕虛實皆按之銅人針三分留七呼灸七壯明堂五壯

素註三壯主頭痛如破腰痛不可屈伸身後側痛目內

眦赤爛白翳俠內眦反白眼眩發瘡寒熱喜驚不飲食

筋攣足胫樞痛頸項強腰背不可俛仰僂僂鼻軌不

止心痛目眩。


束骨○足小指外側本節後赤白肉際陷中。足太陽脉所注為俞木。膀胱實瀉之。銅人灸三壯。針三分。留三呼。主腰脊痛如折。髀不可曲。腰如結。腦如裂。耳聾。惡風寒。頭頰項痛。目眩。身熱。目黃。淚出。肌肉動。項強。不可回。顙目內皆赤爛。腸澼。泄。痔。瘡。癩。狂。癰。疽。背生疥瘡。

通谷○足小指外側本節前陷中。足太陽脉所溜為榮水。銅人針二分。留王呼。灸三壯。主頭重。目眩。善驚。引氣。衄。衄。項痛。目眩。留飲。胃滿。食不化。失矢。東垣曰。胃氣下溜。五臟氣亂。在於頭。取天柱大杼。不足。深取。通谷束骨。

至陰○足小指外側去小甲角如韭葉。足太陽脉所出。為井金。膀胱虛補之。銅人針二分。灸三壯。素註針一分。留五呼。主目生翳。鼻塞頭重。風寒從足小指起。脉痺上下帶胷脇痛。無常處。轉筋寒。瘡汗不出。煩心。足下熱。小便不利。失精。目痛。太背痛。根結篇云。太陽根於至陰。結於命門。命門者目也。



腎臟圖



內經曰。腎者。作強之官。伎巧出焉。

腎者。主蟄封藏之本。精之處也。其華在髮。其充在骨。為陰中之太陰。通於冬氣。

北方黑色。入通於腎。開竅於耳。藏精於腎。故病在谿。其味鹹。其類水。其畜彘。其穀豆。其應四時上為辰星。是以知病之在骨也。其音羽。其數六。其真腎液唾。

北方生寒。寒生水。水生鹹。鹹生腎。腎生骨。髓隨生肝。腎主耳。其在天為寒。在地為水。在體為骨。在臟為腎。在聲為呻。在變動為慄。在志為恐。恐傷腎。思傷脾。寒傷血。燥勝寒。鹹傷血。甘勝鹹。

足少陰腎經穴歌

足少陰穴二十七。湧泉然谷太谿溢大。鍾水泉通照海復。
溜交信築賓實陰谷。膝內跗骨後已上。從足走至膝橫骨。
大赫懸氣穴。四滿中注育俞臍。商曲石。關陰都密。通谷幽。
門寸半闕。折量腹上分十一。步廊神封。膺靈墟神藏或中。
俞府畢。左右五十四穴。

○此一經起於湧泉。終於俞府。取湧泉然谷太谿復溜陰谷。與井榮俞經合也。脉起小指之下。斜趨足心。出然谷之下。循內踝之後。別入跟中。上腓內。出腓內廉。上股內後廉。貫脊。屬腎。絡膀胱。其直行者。從腎上貫肝膈。入肺中。循喉。

龍俠舌本其支者從肺出絡心注胸中多氣少血酉時氣
血注此癸水之臟脉居左尺一臟而二形左名腎男子以
藏精右名命門女子以繫胞元氣之根精神之舍受病同
歸於膀胱診候兩分於水火實則脉實小腹脹滿而腰背
急強便黃舌燥者瀉腎湯可以廣推虛則脉虛氣寒陽痿
而言音混濁脛弱脉代者從蓉散宜加尋討腎氣不和腰
脇痛散號異香陽經鬱滯背脊疼湯名通氣腰痛散八角
茴香精泄末一升萐子氣滯腰間堪順氣血凝臂痛可舒
經五味能交心腎酒茯苓遠志川歸山藥從蓉枸杞龍骨
安養精神與益智茴香故紙鹿茸牛膝黃芪地黃補腎益

陰加當歸而補髓附子驅寒去濕倍人參而壯陽龍骨治
骨虛痠痛猪腎濟腎弱腰虧大抵鹹能走腎秋石須明配
合寒能敗命春茗要別陳新滲淡瀉水之劑宜慎燒煉助
火之丹勿洽東垣曾謂肉桂獨活報使錢氏獨用地黃枸
杞引經抑又聞竹破須將竹補胞雞還要卵為誰知人人
本有長生藥自是迷徒枉擺拋甘露降時天地合黃芽生
處坎離交井蛙應謂無龍窟籬鶴爭知有鳳巢月熟自然
金滿屋何須尋草學燒茅

導引本經○人稟天地之氣以有生而太極之精寓焉比
吾之所固有而充塞乎兩間者也人惟志以情誘念以物

牽以有限之天真。縱無窮之逸慾。消耗日甚。中無所主。則群邪乘之。而百病作。是洞開四門以納盜。幾何不至於敗哉。然自古聖人。率多冬考。豈其渾蒙沕穆。得於天者獨厚。虛吸偃仰。成於人者有異術耶。亦以志寧道一。神爽不漓。俾吾固有之真。常為一身之主。則榮衛周流。邪無付入。彼風寒暑濕。譬之堅城外盜。雖踵至疊窺。其何以得其隙而肆之。庸哉。嗚呼。醫者家辨症循方。按脉施劑。倏忽收功。固所不廢。然盜至而遏之。孰若無盜之可遏也。病至而療之。孰若無病之可療也。與其求金石之餌。而常患其不足。孰若求吾身之精。而恒自有餘也。故皇帝岐伯問答曰。百體從

令。惟於保太和而泰。天君仰之。蓋此意也。先賢云。天地之
大寶珠玉。人身之大寶精血。內經曰。男。女。人。之。大。慾。存。焉。
誠能以理制慾。以義馭情。雖美色在前。不過悅目暢志而
已。奚可恣情喪精。所謂油盡燈滅。髓竭人亡。添油燈壯。補
髓人強也。又曰。冬月。天地閉。血氣藏。伏陽在內。心腦多熱。
切忌發汗。以洩陽氣。此謂之閉藏。水冰地圻。無擾乎陽。早
卧晏起。必待日光。使志若伏。若匿。若有私意。若已有得。去
寒就溫。勿泄皮膚。使氣亟在。此冬氣之應。養藏之道也。逆
之則傷腎。春為痿厥。人宜昭固本益腎酒。以迎陽氣耳。不
可過煖。致傷目。而亦不可大醉冒寒。如冬傷於寒。春必病。

溫故先王於是月閉關俾室熱適中可也。嘗聞之曰湛然
誠一守精玄得象忘言辨道者。好把牝門憑理顧子。前于
後用神占。是則以元精煉為感之精。三物混合與道合真。
自然元精固而交感之精不漏。衛生之法先此而已。前賢
所謂精全不思慾。氣全不思食。神全不思睡。斯言盡矣。

考正穴法

湧泉一名地衝○足心陷中。屈足。撻指宛宛中。白肉際。跪取之。
足少陰腎脉所出。為井木。實則瀉之。銅人針五分。無令
出血。灸三壯。明堂灸不及針。素註針三分。留三呼。主尸
厥。面黑如炭色。欬吐有血。渴而喘坐欲起。目眦眈無所

見善恐。惕惕如人將捕之。舌乾咽腫。上氣嗌乾。煩心。心
痛。黃疸。腸辟。股內後廉痛。痿厥。嗜卧。苦悲。欠。小腹急痛。
泄而下重。足脛寒而逆。腰痛。六便難。心中結熱。風癰。風
癰。心病。饑不嗜食。咳。嗽。身熱。喉閉。舌亡心。失音。卒心痛。喉
痺。胸脇滿悶。頸痛。目眩。五指端盡痛。人不踐地。足下熱。
男子如蠱。女子如娠。婦人無子。轉胞不得尿。千金翼云。
主喜喘。脊脇相引。忽忽喜忘。陰痺。腹脹。腰痛。不欲食。喘
逆。足下冷至膝。咽中痛不可納食。瘖不能言。小便不利。
小腹痛。風入腸中。癰病。俠臍痛。鼻衄不止。五疰。熱病先
腰痠。喜渴。數引飲。身項痛而寒且痠。足熱不欲言。頭痛。

癰癰然。少氣寒厥。霍亂轉筋。腎積貫脉。漢濟北王阿母。病患熱厥。足熱。淳于意刺足心立愈。

然谷

一名龍淵

○足內踝前起大骨下陷中。一云內踝前在下

一寸。別於足太陰之郄。足少陰腎脉所溜為榮火。銅人灸三壯。針三分。留五呼。不宜見血。令人立饑欲食。刺足下布絡中脉血不出為腫。主咽內腫。不能內唾。時不能出唾。心恐懼如人將捕。涎出喘呼。少氣足。肘腫不得履地。寒疝。小腹脹上搶胸脇。欬唾血。喉痺淋瀝白濁。肝痰不能久立。足一寒一熱。舌縱煩滿。消渴自汗。盜汗出。痿厥洞泄心痛如錐刺。墜墮惡血留內腹中。男子精泄。婦

人無子。陰挺出。月事不調。陰痿。初生小兒。臍風口禁。

太谿

一名細

○足內踝後五分。跟骨上動脈陷中。男子婦人

病有此脉則生。無則死。足少陰腎脉所注為俞土。素註
針三分。留七呼。灸二壯。主久瘡。欬逆。心痛如錐刺。心脉
沉。手足寒至節。喘。息者死。嘔吐痰實。口中如膠。善噦。寒
疝。熱病汗不出。默默嗜卧。溺黃消痺。大便難。咽腫。唾血。
痿痺。寒熱。欬嗽。不省食。腹脇痛。瘦脊。傷寒手足厥冷。東
垣曰。成痿者。以導濕熱。引胃氣出行陽道。不令濕土尅
腎水。其穴在太谿。流注賦云。牙齒痛堪治。

大鍾○足跟後踵中。上骨上兩筋間。足少陰絡。別走太陽

銅人灸三壯。針二分。留七呼。素註留三呼。主嘔吐。胸脹。喘息。腹滿。便難。腰脊痛。少氣淋瀝。洒淅。腹脊強。嗜卧。口中熱。多寒。欲閉戶而處。少氣不足。舌乾咽中食噎不得下。善驚恐。不樂。喉中鳴。欬唾氣逆。煩悶。實則閉。癰瀉之。虛則腰痛補之。

水泉○太谿下一寸。內踝下。少陰郛。銅人灸五壯。針四分。主目眵眵不能遠視。女子月事不來。來即心下多悶痛。陰挺出。小便淋瀝。暗昏中痛。

照海○足內踝下四分。前後有筋。上有踝骨。下有軟骨。其穴居中。陰蹻脉所生。素註針四分。留六呼。灸三壯。銅人

針三分。灸七壯。明堂灸三壯。主咽乾。心悲不樂。四肢懈惰。久瘧。卒疝。嘔吐嗜卧。大風默默不知所痛。視如見星。小腹痛。婦女經逆。四肢淫樂。陰暴跳起。或癢。漉清汁。小腹偏痛。淋陰挺出。月水不調。潔古曰。癰病。夜發。灸陰驕。照海穴也。

復溜

一名昌陽
一名伏白

○足內踝上二寸。筋骨陷中。前傍骨是復溜。

後傍筋是交信。二穴止隔一條筋。足少陰腎脉所行為經。金。腎虛補之。素註針三分。留七呼。灸五壯。明堂灸七壯。主腸辟。腰脊內引痛。不得俛仰起坐。目視眴眴。善怒。多言。舌乾。胃熱。虫動涎出。足痿不收履。胕寒不自溫。

腹中雷鳴。腹脹如鼓。四肢腫。五種水病。青赤黃白黑。青取井。赤取榮。黃取俞。白取經。黑取合。血痔。泄後腫。五淋。血淋。小便如散火。骨寒熱。盜汗。汗注不止。齒齕。脉微細。不見。或時無脉。

交信。○足內踝骨上二寸。少陰前。太陰後。應筋骨間。陰蹻脉之郄。銅人針四分。留十呼。灸三壯。素註留五呼。主氣淋。癢。疝。陰急。陰汗。瀉痢。赤白。氣熱。癰。股樞內痛。大小便難。淋。女子漏。血不止。陰挺出。月水不來。小腹偏痛。四肢淫樂。盜汗出。築賓。○內踝上腓分中。陰維之郄。銅人針三分。留五呼。灸

五壯。素註針三分。灸五壯。主癰疽。小兒胎疝。痛不得乳。
癰疾狂易。妄言怒罵。吐舌嘔吐涎沫。足蹠痛。

陰谷。○膝內輔骨後大筋下。小筋上。按之應手。屈膝乃得之。足少陰腎脉所入。為合水。銅人針四分。留七呼。灸三壯。主膝痛如錐。不得屈伸。舌縱涎下。煩逆溺難。小便急。引陰痛。陰痿。股內廉痛。婦人漏下不止。腹脹滿不得息。小便黃。男子如蠱。女子如娠。

橫骨。○大赫下一寸。陰上橫骨中。宛曲如仰月中央。去腹中行各一寸。足少陰衝脉之會。銅人灸三壯。禁針。主五淋。小便不通。陰器下縱引痛。小腹滿。目赤痛從內眥始。

五臟虛竭失精。自肩至橫骨六穴銅人去腹中行各

大赫一名陰維○氣穴下一寸。去腹中行各一寸。足少陰

衝脉之會。銅人灸五壯。針三分。素註針一寸。灸三壯。主

虛勞失精。男子陰器結縮。莖中痛。目赤痛。從內眥始。婦

人赤帶。

氣穴一名子門○四滿下一寸。去腹中行各一寸。足少陰

衝脉之會。銅人灸五壯。針三分。素註針一寸。灸五壯。主

貴脉氣上下引。腰脊痛。泄利不止。目赤痛。從內眥始。婦

人月事不調。

四滿一名府○中注下一寸。去腹中行各一寸。足少陰衝脉

之會。銅人針三分。灸三壯。主積聚。疝瘕。腸澼。大腸有水。臍下切痛。振寒。目內眦赤痛。婦人月水不調。惡血疔痛。奔豚上下。無子。

中注○盲俞下一寸。去腹中行各一寸。足少陰衝脉之會。銅人針一寸。灸五壯。主小腹有熱。大便堅燥不利。泄氣。上下引腰脊痛。目內眦赤痛。女子月事不調。

盲俞○商曲下一寸。去腹中行各一寸。足少陰衝脉之會。銅人針一寸。灸五壯。主腹切痛。寒疝。大便燥。腹滿響響。然不便。心下有寒。目赤痛。從內眦始。

按諸家俱以疝主於腎。故足少陰經窅穴。灸兼治疝。

丹溪以疝本肝經。與腎絕無相干。足以正千古之訛。

商曲○石關下一寸。去腹中行各一寸五分。足少陰種脉

之會。銅人針一寸。灸五壯。主腹痛。腹中積聚。時切痛。腸

中痛不嗜食。目赤痛從內眥始。自出門至商曲。銅人去腹中行五分。素註一寸。

石關○陰都下一寸。去腹中行各一寸五分。足少陰衝脉

之會。銅人針一寸。灸三壯。主噦噫嘔逆。腹痛氣淋。小便

黃。大便不通。心下堅滿。脊強不利。多唾。目赤痛從內眥

始。婦人無子。臟有惡血。血上衝。腹痛不可忍。

陰都一名食宮○通谷下一寸。去腹中行各一寸五分。足少陰

衝脉之會。銅人針三分。灸三壯。主身寒熱瘡病。心下煩

滿逆氣腸鳴肺脹氣搶脇下熱痛目赤痛從內背始。

通谷○幽門下一寸去腹中行各一寸五分足少陰衝脉之會銅人針五分灸五壯明堂灸三壯主失欠口喎食飲善嘔暴瘡不能言結積留飲痞癖胸滿食不化心恍惚喜嘔目赤痛從內背始。

幽門○俠巨闕兩旁各一寸五分陷中足少陰衝脉之會銅人針五分灸五壯主小腹脹滿嘔吐涎沫喜唾心下煩悶胸中引痛滿不嗜食裏急數欬健忘泄利膿血目赤痛從內背始女子心痛逆氣善吐食不下。

步廊○神封下一寸六分陷中去胸中行各二寸仰而取

之。素註針四分。銅人針三分。灸五壯。主胸脇支滿。痛引胸。鼻塞不通。呼吸少氣。欬逆嘔吐。不嗜食。喘息不得舉臂。

神封○靈墟下一寸六分。陷中。去胸中行各二寸。仰而取之。素註針四分。銅人針三分。灸五壯。主胸滿不得息。咳逆。乳癰。嘔吐。洒淅惡寒。不嗜食。

靈墟○神藏下一寸六分。陷中。去胸中行各二寸。仰而取之。素註針四分。銅人針三分。灸五壯。主胸脇支滿。痛引胸。不得息。欬逆嘔吐。不嗜食。

神藏○或中下一寸六分。陷中。去胸中行各二寸。仰而取

之銅人灸五壯。針三分。素註針四分。主嘔吐。欬逆喘不得息。胸滿不嗜食。

錢中○俞府下一寸六分。去胸中行各二寸。仰而取之。銅人針四分。灸五壯。明堂灸三壯。主欬逆喘。息不能食。胸脇支滿。涎出多唾。

俞府○氣舍下。璇璣旁。各二寸。陷中。仰而取之。素註針四分。灸三壯。銅人針二分。灸五壯。主欬逆上氣。嘔吐喘。腹脹不下。食飲胸中痛。人喘。灸七壯。効。